



文苑英華卷第二百九十九

詩一百四十九

軍旅一

講閱二首

征伐十九首

邊塞五十四首

講閱

從齊武帝瑯琊講武應詔

沈約

九功播桃墀七德陳武懸展事昌國圖息兵由重戰皇情
咨閱典出車迨辰選飾徒映寒隰翻綏臨廣甸颯杏佩吳
戈參差腰夏箭風旆舒復卷雲霞清似轉

一作雲霞清似轉

輕舞

信徘徊前歌且遙衍秋原嘶戈馬朱光浮楚練虹壑寫飛
文巖阿藻餘絢發震岳靈從楊旌水華變憑高訓武則中

天起遐眷鳳蓋掩洪河珠旗揭長汧方待翠華舉遠適瑤池宴

從駕觀講武

庾信

校戰出長楊兵欄入闕場置陣橫雲起開營鴈翼張門嫌
磁石礙馬畏鉄菱傷龍淵出牛斗繁弱駭天狼落星奔驥
騄浮雲上驪驪急風吹戰鼓高塵擁具裝駭猿時落木驚
鴻屢斷行樹寒條更直山枯菊轉芳豹畧推全勝龍圖一作
韜揖所長小臣欣寓目還知奉會昌

奉和杜員外扈從教閱

李嶠

杪冬嚴殺氣窮紀送頽光薄符三農隙大閱五戎場菜田
初起燒蘭野正開防夾岸紅旗轉分明獸畧張燕弧帶曉
月吳鉞動秋霜源啓前禽路山紫後騎行雲區墜日羽星
苑斃天狼禮振軍容肅威宣武節揚神心體殷祝靈兆叶
姬祥幸陪仙駕末欣採翰林芳

征伐

送北征

祖孝徵

見類聚

翠旗臨塞道靈鼓出桑乾祁山歛雰霧瀚海息波瀾戍亭
秋雨急関門朔氣寒方繫單于頸歌舞入長安

同前

裴讓之

沙漠胡塵起関山烽燧驚皇威奮武畧上將摠神兵商類聚
作臺朔風駛絕野寒雲生匈奴定遠近壯士欲橫行

南征

蘇子卿

一朝遊桂水萬里別長安故鄉夢中近邊愁酒上寬劍鋒
但須利戎衣不畏單南中地氣一作氣多暖少婦莫類聚作早愁寒

從駕送軍

沈炯見類聚

惟堯稱乃武軒后號神兵吊民資知勇治亂屬師貞我君
膺寶業歷駕視前英浦海方無浪夷山有未平星光下結
旆劍氣上舒精雲開萬嶺徹日麗百川明撫鼓山靈應詔
蹕水祗驚

奉報趙王出師在道賜詩

庾信

上將出東平先定下江兵彎弧伏石動振鼓拂沙鳴橫海
將軍號長風駿馬名兩歇殘虹斷雲偏一鴈征暗巖朝石
濕空山夜火明低橋澗底渡狹路花中行錦車同建節魚

軒異伯榮軍中女子氣塞外夫人城小人垂攝養岐路阻
逢迎幾月芝田熟何年金竈成哀笳閑塞曲嘶馬別離聲
王子身為寶深思不倚衡

和趙王送從軍

前人

樓船聊習戰白羽試撫軍山城對却月岸陳底平雲赤地
懸弩影流星抱劍文胡笳遙警夜塞馬暗嘶群客行明月
砧袞聲不可聞

軍師凱旋自邕州順流舟中

李嶠

鳴鞞入嶂口汎舸歷川湄尚想江陵陣猶疑下瀨師岸廻
帆影疾風送鼓聲遲萍葉沾蘭橈林花拂桂旗弓鳴蒼隼
落劍動白袞悲芳樹吟羗管幽篴入楚詞一作祠全軍多勝

策無戰在明時寄謝山東妙長纓徒自期

平胡二章

并序

唐玄宗

戎羯不虔竊我荒服命偏師之浮剪彼應期而咸殄一麾
克定告捷相仍爰命是詩以言其志

集作愛作是詩聊以言志

雜虜忽猖狂無何敢亂常羽書朝繼入烽火夜相望將出
凶門勇兵因死地強蒙輪皆突騎按劍盡鷹揚鼓角雄山
野龍蛇入戰場流膏潤沙漠濺血染鋒鉞霧廓清玄塞雲
開靜朔方武功今已立文德愧前王

二

邊服胡塵起長安漢將飛龍蛇開陣法貔武振軍威詐虜
腦塗地征夫血染衣今朝書奏入明日凱歌歸

奉和御製二首

裴灌

玄漠聖恩通由來書軌同忽聞窺月滿相聚寇雲中廟畧
占黃氣神兵出絳宮將軍行逐虜使者亦知戎一舉輶輶
咸再麾沙朔空直將威禁暴非用武爲雄飲至明軍禮疇
勲錫武功干戈還載載文德在唐風

二

殊類驕無長王師示有征中軍纔授律妖寇已亡精斬虜
還遮塞綏降更築城從來攻必克天策振奇兵

同前

韓休

南牧正紛紛長河起塞氛王兵徵選士金鉞拜將軍疊鼓
遙邊吹連旌暗朔雲祆星乘夜落吉氣入朝分始見幽烽

警俄看烈火焚功成奏凱樂戰罷策歸勲盛德陳清廟神
謨屬大君叨榮逢姬伯率舞詠時文

夏日都門送司馬員外逸客孫員外佺

北征

沈佺期

二庭追虜騎六月動周師廟畧天人授軍麾相國持復言
徵二妙才令重當時畫省連征橐橫門共別詞雲迎出塞
馬風卷渡河旗計日方夷寇旋聞杖杜詩

同前

時相王爲元帥魏
大夫元忠爲副

李乂

日逐滋南寇天威撫北垂折珪行仗節持印且分麾羽檄
雙鳬去兵車駟馬馳虎旗懸氣色龍劔抱雄雌候月期戡
剪經時念別離坐聞關隴外無復引弓兒

送兵還作

集作
中作

高適

策馬自沙海上

集作
長

驅登塞垣邊城高

集作
向

蕭條白日黃

雲昏一到征戰處每愁胡虜翻豈無安邊書諸將已承恩
惆悵孫吳事歸來獨閉門

從軍北征

李益

天山雪後海風寒橫笛偏吹行路難磧裏征人三千萬一

時回向月中

集作
明看

前人

聽曉角

繁霜一夜落平蕪吹角當城片月孤無效塞鴻飛不度秋
風卷入小單于

平戎

時諫官論北虜未回天德
軍師請收城備胡之際

趙嘏

余明

邊聲一夜殷秋聲牙帳連烽擁萬蹄武帝未能忘塞北仲舒纔足使膠西水橫曉渡胡兵合雪滿窮沙漠騎迷自古平戎有良策將軍不用倚雲梯

降虜

前人

廣武溪頭降虜稀一聲寒角怨金微河湟不在春風地歌舞空裁雪夜衣鉄馬半嘶邊草去狼煙高映塞鴻飛楊雄尚白相如吃今日何人從獵歸

邊塞

於北平作

唐太宗

翠野駐戎軒盧龍轉征旆遙山麗如綺長流紫似帶海氣百重樓巖松千丈蓋茲焉可遊賞何必襄城外

和邊城秋氣早

李義甫

金微凝素節玉律應清葭邊馬秋聲急征鴻曉陣斜閑樹凋涼葉塞草落寒花霧暗長川景雲昏大漠沙溪深路難越川平望超忽極望斷煙飄遙落驚蓬沒霜結龍城水照龜林月日色夏猶冷霜華春未歇睿作高紫宸分明映玄闕

冀北春望

崔液

迴首覽燕趙春生兩河間曠然餘萬里際海不見山雨歇青林潤煙空綠野閑問鄉無處所目送白雲閑

邊愁

崔湜

九月逢根斷三邊草葉腓風塵馬變色霜雪劒生衣客思

愁陰晚邊書驛騎歸殷勤鳳樓上還袂及春暉

早春邊城還歸

前人

大漠羽書飛長城未解圍山川凌玉障旌節下金微路向南庭遠書因北鴈稀鄉閨搖別思風雪故戎衣歲盡仍爲客春還尚未歸明年征騎返歌舞及芳菲

塞外三首

鄭愔

塞外蕭條望征人此路賒邊聲亂朔馬秋引動胡笳遙障侵歸日長城帶晚霞斷蓬飛古戍連鴈聚寒沙海暗雲無葉山春雪作花丈夫期報主萬里獨歸家

二

荒壘三秋夕窮郊萬里平海陰凝獨樹日氣下連營戎旆

霜疑重邊裘夜更輕將軍猶轉戰都尉不成名折柳悲春

曲吹笳斷夜聲明年塞

一作漢

使返須築受降城

三

陽鳥南飛夜陰山北地寒漢家征戍客年歲在樓蘭玉塞朔風起金河秋月團邊聲入鼓吹霜氣下旌竿海外歸書斷天涯旅鬢殘子卿猶奉使恒向節旄看

邊秋薄暮

蘇頲

海外秋鷹繫霜前旅鴈歸邊風思鞞鼓落日慘旌麾浦暗漁舟入川長獵騎稀客悲逢薄暮况乃事戎機

送張判官赴河西

王維

單車曾出塞報國敢邀勲見逐張征虜今思霍冠軍沙平

連白雪蓬卷入黃雲慷慨倚長劍高歌一送君

送元二使安西

前人

渭城朝雨裊輕塵客舍青青柳色新集作春勸君更盡一盃酒西出陽關無故人

送劉司直赴安西

前人

絕域陽關道湖沙與塞塵三春時有鴈萬里少行人首藉隨天馬蒲萄逐漢臣當令外國懼不敢覓和親

遼西作

崔顥

燕郊芳歲晚殘雪凍邊城四月青草合遼陽春水生胡人正牧馬漢將日徵兵露重寶劍濕沙虛金鼓鳴寒衣著已盡春服與誰文粹作誰與成寄語洛陽使爲傳邊塞情

發臨洮赴北庭留別

岑參

聞說輪臺路

集作連

年年見雪飛春風曾

集作長

不到漢使亦

來一作應

一作應

稀白草通疎勒青山過武威勤王不敢道遠思一作

思夢中歸

此詩二百九十二卷重出前已削去注異同爲一

作磧西

集作石

題送李判官入京

前人

一身從遠使萬里向安西漢月垂鄉淚胡沙損馬蹄尋河愁地盡過磧覺天低送子軍中飲家書醉裏題

過磧

前人

黃沙磧裏客行迷四望雲天直下低爲言地盡天還盡行到西安更向西

營州

高適

營州少年滿

集作歌

原野狐

集作皮

裘蒙茸獵城下魯酒千盃

不醉人胡兒十歲能騎馬

涼州

王之渙

一片孤城萬仞山黃沙直上白雲間羌笛何須怨楊柳春

光不度玉門關

邊頭作

李端

邠郊泉脉動落日上城樓羊馬水草足羌胡帳幕稠射鵰

過海岸傳箭脅邊州何事歸朝將今年又拜侯

過五原至飲馬泉

集作監州胡兒飲馬泉

李益

綠楊著水宛

集作草

如煙舊是胡兒飲馬泉幾處吹笳明夜

月何時倚劒白雲天從來凍合關山路今日分流漢使前

莫遣行人照容鬢恐驚憔悴入新年

塞北行次度破訥沙

前人

眼見風來砂旋移經年不省草生時莫言

集作無論

塞北無春

到

集作至

縱有春來何處知

前人

上黃堆峯

集作峰堆

心期紫閣山中月身過黃堆峯

集作堆峰

上雲年髮已從書劒

老戎衣更逐霍將軍

送客還幽州

前人

惆悵秦城送獨歸剡門雲樹遠依依秋來莫射南來鴈從

遣乘春

集作風

更北飛

此詩二百七十五卷重出已前削去

早發破訥沙

前人

破訥沙頭鴈正飛
鷓鴣泉上戰初歸
平明日出東南地
滿磧寒光生鉄衣

此詩二百九十三卷重出前已削去

宿金河戍

張震

朝發鐵麟驛夕宿金河戍
奔波急王程一日千里路
但見容鬢改不知歲華暮
悠悠沙漠行玉事彌多故

邊詞

張敬忠

五原春色舊來遲
二月垂楊未掛絲
即今河畔冰開日正
是長安花落時

邊行書事

又玄集作塞上行

李昌符

朔野煙塵起天軍又舉戈
陰風向晚急殺氣入秋多
又玄集作奔谷蓋關北孤城帳幕多
樹盡禽棲草冰堅路在河汾陽
客軍其入陣老將望迴戈

無繼者

集作尋

離羌

集作虜肯先和

李敬芳

近無西耗

遠戎兵壓境遷客淚橫襟
烽候驚春塞縲囚困越吟
自憐牛馬走未識犬羊心
一月無消息西居日又沉

送張司直往單于

于鵠

若過并州北誰人不憶家
塞堡一作深無去伴路盡到平沙

磧冷唯逢鴈天春不見花
莫隨邊將意垂老事輕車

邊思

楊衡

蘇武節毛盡李陵音信稀
梅當隴上發人向隴頭歸

思遊邊友人

賈島

凝愁對孤燭昨日飲離杯
葉下故人去天中新鴈來
連沙秋草薄帶雪暮山開
苑北紅塵道何時見遠回

送友人遊塞

前人

飄蓬多塞下君見益潸然
迴磧沙嘶日長河水接天
夜泉行客火曉戍何京煙
少結相思恨佳期芳草前

塞上行作

劉得仁

鄉井久離別窮邊觸目愁
主人居外地塞雪下中秋
鴈舉之衡翅河亭入虜流
將軍心莫苦向此取封侯

登臨洮望蕭關

李昌符

漸覺風沙暗蕭關欲到時
兒童能探火婦女解縫旗
川絕嘶魚驚林多帶箭麋
暫來戎馬地不敢苦吟詩

送友人出塞

姚鵠

帝城春色著寒梅去恨離懷
醉不開一作相別欲將何計
免此行應又隔年回
入河殘日鵬西盡卷雪驚
馬逢馬上來有思莫忘清
塞學衆傳君負佐王才

邊遊

項斯

古鎮門前候長安路在東
天晴槐葉霧日暮蒹葭花
風塞館皆無簾儒裝亦有
弓防秋故鄉卒曾喜語音
同

邊城寫眺

馬戴

聊平危堞望暗起異鄉情
塞垣關防絕山昏霧露生
河灘

胡鴈下戎壘漢聲

一作驚獨對殘秋色

狂歌淚滿纓

送友人邊遊廻

薛能

一作馬戴

遊子新從絕塞廻自言曾上李陵臺
樽前語盡北風起秋色蕭條胡鴈來

送李溟出塞

前人

邊城官尚

集作向

惡况乃是羈遊別路應相

一作多

憶離亭更

少留黃沙人外闊飛雪馬前稠
甚險窮廬宿無爲過代州
此詩二百八十一卷重出前已削去注異同爲一

作送友人出塞

榆關早不可何况出榆關
春草臨岐斷邊樓帶日閑
人歸窮帳外鳥發廢營間
此地秋堪集作堪愁想霜前作意還

回中作

溫廷筠

莽莽雲空遠色愁嗚嗚戍角上高樓
吳姬怨思吹雙管燕客悲歌動集作別
五侯千里關山邊草暮一星烽火朔雲秋
夜來霜重西風起隴水無聲凍一作不流

送人往北塞

李頻

上馬問雲中長川送北風日西身獨去
山轉路無窮樹隔高關斷沙連大漠空
君看河外將早晚合平戎

代北言懷

喻坦之

困馬榆關北那堪落景催路行沙不絕
風與雪兼來草得春猶白鴻侵夏始廻
行人莫遠入戍角有餘哀

書邊事二首

張喬

調角斷清秋征人倚戍樓春風對青塚白日落梁州大漠
無兵阻窮邊有客遊蕃情如此水長願向春流

二

萬里沙西寇已平犬羊群外築空城分營夜火燒雲遠教
獵秋鷗掠草輕秦將力隨胡馬竭蕃河流入漢家清羗戎
不識干戈老須賀明時聖主明

送人遊邊

鄭谷

春亦怯邊遊此行風正秋別離逢兩夜道路向雲州磧樹
藏城遠河沙漾日流將軍方破虜莫借獻良籌

京

集作

西即事

韓宗

秋草河蘭起陣雲涼州唯向管絃聞豺狼毳幕三千帳

虎金郊十萬軍候騎北來驚有說成樓西望悔爲文昭陽
亦待平安火誰握旌旗不見勲

邊思

周朴

年高來遠戍白首罷干戈夜色薊門火秋聲邊塞風磧浮
悲老馬月滿引新弓百戰山陰去唯添上將雄

邊庭送別

張蠟

一生雖達理遠別亦相悲白髮無脩處青松有老時暮煙
傳戍起寒日隴沙垂若是長安去何難定後期

登單于臺

前人

邊兵春盡回獨上單于臺白日地中出黃河天上來沙翻
痕似浪風急響疑雷欲向陰關度陰關曉不開

過蕭關

前人

出得蕭關北
儒衣不稱身
隴孤來試客
沙鶻下欺人
曉戍殘衙火
晴原起獵塵
邊戎莫相忌
非是霍家親

薊北書事

前人

戛磧如經海
茫然但見空
戍樓承落日
沙塞礙驚蓬
暑過燕僧出
時平虜客通
逢人皆上將
誰有定邊功

朔方書事

前人

秋盡角聲苦
逢人唯荷戈
城池向隴小
岐路出關多
鴈遠行垂地
烽高影入河
仍聞黑山寇
又覓漢家和

邊夜

羅隱

光景漂如木
生涯轉似萍
鴈門窮朔路
牛斗故鄉星
均盡

人

一作書
罷愁

誰切歌終淚
自零夜闌迴
回首筭何處
不長亭

文苑英華卷之三百九十九

文苑英華卷第三百

詩一百五十

軍旅二

邊將六十四首

邊城將四首

吳均

塞外何紛紛胡騎欲成群爾時始應募來投霍將軍刀含
四尺影劍抱七星文袖間血灑地車中旌拂雲輕軀未如
殞終當厚報君

二

僕本邊城將馳射靈關下箭銜鴈門石氣振武安瓦勲輕
賞廢丘名高拜橫劍留書應鑿楹傳功須勒社徒傾七尺
命酬恩終自寡

三

聞君報一食遠送出平野玉標丹霞劍金豔絡光馬高旗
八漢飛長鞭歷地罵曙星海中出曉月山頭下歲晏坐論
功自有思一作恩臣者

四

臨淄重蹋鞠曲城好擊刺不要身後名專騁眼前智君看
班定遠立功不負義掣拽二丈旗躑躅雙鳬騎但問相知
否死生無險易

送魏大從軍

陳子昂

匈奴猶未滅魏絳復從戎悵別三河道言追六郡雄鴈山
橫代北孤塞接雲中勿使燕然上獨有漢臣功

安輯嶺表事平罷歸

李嶠

雲端想京縣帝鄉如何見天涯望月臺海路幾悠哉六月
飛鵬去三年瑞雉來境遙銅柱出山險石門開自我違瀝
洛瞻途屢揮霍朝朝寒露多夜夜征衣薄白簡承朝憲朱
方撫夷落旣弘天覆廣且諭皇恩博皇恩溢外區憬俗詠
來蘇聲朔臣天子壇場拜老夫絳管韜將畧黃石請兵符
返旆收龍虎空營集鳥鳥日落澄氣靄憑高視衿帶東甌
抗于越南斗臨吳會春色遶邊陲飛花出荒外卉服紛如
積長川思遊客風生丹桂曉雲起蒼梧夕去軸艤清江歸
軒趨紫陌衣裳會百蠻賧賧委重關不學金刀使空持寶
劍還

送趙頤貞郎中試

集作赴

安西副大都護

張說

絕鎮功難立懸軍命匪輕復承遷相後彌重任賢情將起
神仙地才稱禮樂英長心堪繫虜短語足論兵日授休門
法星教置陣名龍泉恩已著

集作暑

驚領相終成月窟窮天

遠河源入塞清老夫操別翰承旨頒營平

同錢陽將軍兼原州都督御史中丞

蘇頲

右地接龜沙中朝任虎牙然明方改俗去病不為家將禮
登壇盛軍容出塞草朔風搖漢鼓邊月思胡笳旗合無邀

正

一作整

冠危有觸邪當看榮旆日及此御溝花

送趙都護赴安西

張九齡

將相有更踐簡心良獨難遠圖長畫地超拜乃登壇戎即

崑山序車同渤海單義無中國廢情必遠人安他日文兼

武而君

集作今

栗且寬自然來月窟何用刺樓蘭南去三冬

曉

集作晚

西馳萬里塞封侯自有處征馬去蹕蹕

送趙都督赴戈州

得青字

王維

天官動將星漢地

集作此

柳條青萬里鳴刀斗三軍出井陘

忘身辭鳳闕報國取龍庭豈學書生輩窓中老一經

贈裴旻將軍

前人

腰間寶劍七星文臂上瑀弓百戰勲見說雲中擒黠虜始

知天上有將軍

送趙都護赴安西

孫逖

外域分都護中臺命職方欲傳清廟畧為取劇曹郎已佩

登壇印猶懷伏奏香

一作章

百壺開祖餞駟牡結戎裝青海

連西夏黃河帶北京關山瞻漢月戈劒宿胡霜體國才先

著論兵策復長果持文武術還繼晉

一作壯

當陽

送軍中

賀知章

常經絕脉塞復見斷腸流送子成今別令人起昔愁隴雲

晴半雨邊草夏先秋萬里長城寄無貽漢國憂

投贈哥舒開府翰二十韻

杜甫

今代麒麟閣何人第一功君王自神武駕馭必英雄開府

當朝傑論兵邁古風先鋒百勝在畧地雨隅空青海傳飛

集作無傳

箭天山早挂弓廉頗仍走敵魏絳已和戎每惜河湟

棄新兼節制通知謀垂眷想出入冠諸公日月低秦樹乾

坤遶漢宮胡人愁逐北宛馬又從東受命邊沙遠歸來御

席同軒墀曾寵鶴畋獵舊非熊茅土加名數山河誓始終

策行宜戰伐契合動昭融勲業青冥上交親氣槩中未爲

珠履客已是白頭翁壯節初題柱生涯獨轉蓬幾年春草

歇今日暮途窮軍事留孫楚行間識呂蒙防身一

一作腰間有

長劒聊

集作將

欲倚崆峒

送羽林陶將軍

李白

將軍出塞擁樓船江上旌旗拂紫烟萬里橫戈探虎穴三

杯拔劍舞龍泉莫道詞人無膽氣臨行將贈繞朝鞭

餞王將軍赴雲中

孟匡明

二師憑廟略分閫佐元戎勢亞彤弓寵時推金印雄關山

橫代北旌節壯河東日轉前茅影春生細柳風飲冰君一作傳命速揮涕餞一作別筵空佇聽陰山靜誰爭萬里功

送李大都護

常建

單于數不戰都護事邊深君執幕中祕能為高士心海頭近初月磧裏多愁陰西望郭猶子將分淚蒲襟

送單于裴都護赴西河

崔顥

征馬出翩翩秋城月正圓單于莫近塞都護欲臨邊漢驛通煙火胡沙乏井泉功成須獻捷未必去經年

贈梁州張都督

前人

聞君為漢將虜騎不南侵出塞清沙漠還家拜羽林風霜臣節苦歲月主恩深為語西河使余知報國心

古遊俠呈軍中諸將

前人

少年負膽氣好勇復知機仗劍出門去孤城逢合圍殺人遼水去一作上走馬漁陽歸錯落金鎖甲蒙茸貂鼠衣還家

且行獵弓矢速如飛地迴鷹犬疾草深狐兔肥腰間帶兩綬一作轉平生光輝顧謂今日戰如何隨劍威

此詩三百三十三卷重出今已削去注異同為一作

贈輕車

前人

悠悠遠行歸春日涉長道幽冀桑始青洛陽蠶欲老憶昨戎馬地別時心草草烽火從北來邊城閉常早平生少相遇未得展懷抱今日杯酒間見君交情好

送南特進歸行營

劉長卿

聞道軍書至揚鞭不問家虜雲連白草漢月到黃沙汗馬
河源飲燒荒隴坻遮翩翩新結束去逐李輕車

代邊將有懷

前人

少年辭魏闕白首何沙場瘦馬戀秋草征人思故鄉暮笳
吹塞月曉甲帶胡霜自到雲中郡于今百戰強

送人赴安西

岑參

上馬帶胡鉤翩翩度隴頭小來思報國不是愛封侯萬里
鄉爲夢三邊月作愁早湏清黯虜無事莫經秋

贈劉將軍

韓翃

明光細甲照鋌鍛昨日承恩拜虎牙膽大欲欺姜伯約功
多不讓李輕車青巾校尉遙相許黑綃將軍莫大誇闕下

來時親伏奏胡塵未盡不爲家

送李將軍赴定州

卽士元

雙旌漢飛將萬里受橫戈春色臨關盡黃雲出塞多鼓鼙
悲絕漠烽戍隔長河莫斷陰山路天驕已請和

代員將軍罷戰後歸里贈朔北故人

盧綸

結髮事疆場全生俱到鄉連營防鐵嶺同日破漁陽牧馬
胡天晚移軍磧路長枕戈眠古戍吹角立繁霜歸老動仍
在酬恩慮未忘獨行過邑里多病對農桑雄劍依塵席陰
符寄藥囊空餘麾下將猶逐羽林郎

贈史開府

戴叔倫

南天胡馬獨悲嘶白首相逢話鼓鼙野戰頻年沙朔外旌

竿高與雪峯齊扁舟遠泛輕全楚落日愁看舊紫泥早晚
瑤階歸伏奏獨一作能畫地取關西

贈淮西賈兵馬使已見二百五十七卷

前人

晚秋贈張折衝此公事制舉

薛業

都尉今無事時清但閉關夜霜戎馬瘦秋草射堂閑位以
穿楊得名因折桂還馮唐真不遇嘆息鬢毛斑

贈老將

權德輿

白草黃雲塞上秋曾隨縹騎出并州轆轤劍折虬鬚白轉
戰功多獨不侯

奉使朔方贈郭都護

李華

絕塞臨光祿孤營佐二師鉄衣三月冷金鼓朔風悲都護

征兵日將軍破虜時揚鞭玉關道廻首望旌旗

河原破賊後贈袁將軍

釋法震

白羽三千駐蕭蕭萬里行出關深漢壘帶月破蕃營蔓草
河原色悲笳碎葉聲欲朝王母殿前路駐高旌

贈張開府

耿緯

寥落軍城暮重城反照間鼓鼙經雨暗士馬過秋閑慣守
臨邊郡曾營近磧山誰云張校尉萬里鑒空還

代宋州將淮上乞師

前人

唇齒幸相依危亡故郡歸身經百戰後家出數重圍上將
堅深壘殘兵闌落暉嘗聞鐵劒利早晚借餘威

上將軍行

前人

蕭關掃定犬羊群
閑閣層城白日曛
櫪上驂騑嘶鼓角
門前老將識風雲
旌旗四面寒山映
蕭管千家靜夜聞
更想他時看竹帛
功成不獨霍將軍

此詩二百五十四卷重出題作上裴行軍中丞詞頗不同全載於此

贈隣家老將

楊臣源

白首羽林郎
丁年戍朔方
陰天瞻磧落
秋日渡遼陽
大漠寒山黑
孤城夜月黃
十年依蓐食
萬里帶金瘡
拂雪陳師祭
衝風立教場
箭飛瓊羽合
旗動火雲張
虎翼分營勢
魚鱗擁陣行
誓心清塞色
闔血雜沙光
戰地晴輝薄
軍門曉氣長
寇深爭暗襲
關廻勒春防
身賤竟何訴
天高徒自傷
功成封寵將
力盡到貧鄉
雀老方悲海
鷹衰却念霜
空餘孤劍在
開匣一雷裳

征人

楊衡

西風屢鳴鴈
東郊未昇日
繁烟幕幕昏
暗騎蕭蕭出
望雲愁玉塞
眠月想蕙質
借問露沾衣
何如香滿室

漁陽將

張籍

塞深沙草白
都護領燕兵
放火燒奚帳
分旗築漢城
下營看嶺勢
尋雪覺人行
更向桑乾北
擒生問磧名

安西將

前人

萬里海西路
茫茫邊草秋
計程沙塞口
望伴驛峯樓
雪暗非時宿
沙深獨去愁
塞鄉人易老
莫住近蕃州

據張籍集安西將送邊使各是一詩今英華送邊使詩已入二百九十七卷而此安西將一篇却誤以送邊使詩克之今用集本釐正

征西將

前人

黃沙北風起夜半又離集作翻營戰馬雪中立探人冰上行
深山旗未展陰磧鼓無聲幾道征西將同收碎葉城

送防秋將

前人

白首征西將猶能射戟支元戎選部曲軍吏換旌旗逐虜
招降遠開邊舊壘移重收隴外地應似漢家時

劍氣詞三首

姚合

聖朝能用將破敵速如神掉劍龍纏臂開旗火滿身積屍

川有岸流血野無塵今日當場舞集作還須知是戰人

二

夜渡黃河水將軍險用師雪聲集作光偏著甲風力不禁旗

陣變龍蛇合軍雄鼓角知今朝意氣集作起舞記得戰酣時

三

破虜行千里三軍氣益集作意氣羸展旗遮日黑驅馬踏河枯

隣境求兵畧皇恩索陣固元和太平日自古恐應無

送振武將軍

李廓

葉葉歸邊騎風頭萬里乾金裝腰帶重錦絳耳衣寒蘆酒
燒蓬煖霜鴻樵箭看黃河古戍道秋雨白漫漫

老將

賈島

文苑英華 卷三百九
九
膽壯亂鬚白金瘡蠹百骸旌旗猶入夢歌舞不開懷鷲雀
來鷹架塵埃滿箭戟自誇勲業重開府是官階

贈王將軍

前人

宿衛爐烟近除書墨未乾馬魯金鏃中身有寶刀瘢父子
同時捷君王畫陣看何當爲外帥白日出長安

贈金河戍客

雍陶

慣獵金河路曾逢雪不迷射鵬青塚北走馬黑山西戍遠
旌幡少年深一作少年帳幕低酬恩須盡敵休說夢中聞

罷還邊將

前人

白鬚虜將話邊事自失公權怨語多漢主豈勞思李牧趙
王猶是一作自用廉頗新鷹飽肉唯閑獵舊劒生衣懶更磨

百戰無功身老去羨他年少渡黃河

贈邊將

姚鵠

三邊昔一作近日往來通盡是將軍鎮撫功兵統萬人爲上
將威加千里懾一作耳西戎清笳遶塞吹寒月紅旆當山肅

曉風却恨北荒霜雨露無因掃盡虜庭空

邊將

馬戴

玉榼酒頻傾論功笑李陵紅韁跑駿馬金鏃掣秋鷹塞迥
連天雪河深徹底水誰言提一劒勤苦事中興

送武陵王將軍

前人

河外今無事將軍有戰名艱難長劒閣功業少年成曉伏
親雲陞寒宵突禁營朱旗身外色玉漏耳邊聲開閣談賓

至調弓過鴈驚為儒多不達見學請長纓

贈蜀府將蠻入成都頗着功勞 溫廷筠

十年分散劍關秋萬事皆隨一作從錦水流志一作心氣已曾

明漢節功名猶尚帶一作自帶吳鉤鵬邊認箭寒雲重馬上聽

笳塞草秋今日逢君倍惆悵灌嬰韓信盡封侯

此詩二百六十一卷重出前已削去注異同為一作

傷邊將 前人

昔年戍虜犯榆關一敗龍城疋馬還侯印不聞封李廣別
人丘壠似天山

送魏尚書赴鎮州行營 張祐

河塞日駸駸恩酬報盡深伍員忠是節陸績孝為心坐激

書生憤行歌壯士吟慙非燕地客不得受黃金

贈邊將 張喬

將軍誇膽氣功在殺人多對酒擎鍾飲臨風拔劍歌翻師
平碎葉畧地取交河應笑孔門客年年羨四科

河湟舊卒 前人

少年隨將討河湟頭白時清返故鄉十萬漢兵零落盡獨
吹邊曲向殘陽

宴邊將 前人

一曲梁州今不清邊風蕭颯動江城坐中有老沙場客棋
笛休吹塞上聲

邊將二首 張蠩

歷戰燕然北功高劔有威聞名外國懼輕命故人稀角怨
星芒動塵心日色微從爲漢都護未得脫征衣

二

按劔立城樓西看極海頭承家爲上將開地得邊州磧迥
兵難伏天寒馬易收胡風一度獵吹裂錦貂裘

邊將

羅鄴

馬上乘秋欲建勳飛狐夜闌出師頻若無紫塞煙塵事誰
識青樓歌舞人戰骨沙中金鏃在賀筵花畔玉蟾新由來
邊卒皆如此只是君門合殺身

平陵老將

常莊

白羽金僕姑腰懸雙轆轤前年葱嶺北獨戰雲中胡疋馬

塞垣老一身如鳥孤歸來辭第宅却占平陵居

贈邊將

前人

昔因征遠向金微馬出榆關一鳥飛萬里只携孤劔去十
年空逐塞鴻歸手招都護新降虜身著文皇舊賜衣只待
煙塵報天子壯心無事別無機

文苑英華卷第三百一

文苑英華卷第三百一

詩一百五十一

悲悼一僧附

追述三十七首

沈約十首

陳子昂七首

張說五首

杜甫八首

高適四首

僧靈一三首

悼亡見三百二卷

沈約

懷舊九首

前人

傷王融

元長秉奇調弱冠慕前踪眷言懷祖武一簣望成峰塗艱
行易跌命舛志難逢折風落迅羽流恨蒲青松

傷謝朓

吏部信才傑文風振奇響調與金石諧思逐風雲上豈言
凌霜質忽隨人事往尺璧爾何寬一日類聚作旦同丘壤

傷庾杲之

右率馥時譽秀出冠朋僚聳茲千仞氣振此百尋條蘊藉
合文雅散朗溢風颺楸櫟今已合容範尚昭昭

傷王湛

長史體閑任坦蕩無外求持身非詭遇應物有虛舟心從
朋好盡形爲歡宴留歡宴未終畢零落委山丘

傷虞炎

東南既擅美洛陽復稱才攜手同歡宴比跡共遊陪類聚作追

事隨短秀落言歸長夜臺

傷李珪之

少府懷貞節忘軀欣類聚作濟所奉吏道勤不息繁文長自擁

旒闕優孟歌身沒誰爲寵

傷常景猷

常叟識前載博物備戎華稅驂止營校淪跡委泥沙始知
庸聽局方悟大音賒

傷劉渢

處和無近累天然有勝質蕭索負高情耿介懷秋實義貴
良爲重蘭摧非所恤一罷平生言寧知携手日

傷胡諧之

豫州懷風範綽然標雅度處約志不渝接廣情無忤頡頏
事刀筆紛綸迺朱素美志同山河浮年迫朝露

薊丘覽古贈盧居士藏用七首并序 陳子昂

丁酉歲吾北征出自薊門歷觀燕之舊都其城池霸業迹
已蕪昧矣乃慨然仰歎憶昔樂生鄒子郡賢之游盛矣因
登薊丘集作樓作七詩以志之寄終南盧居士亦有軒轅之
遺跡也

軒轅臺

北登薊丘望求古軒轅臺應龍已不見牧馬空集作生黃埃
尚想廣成子遺跡白雲隈

燕王

南登碣石館遙望黃金臺丘陵盡喬木昭王安在哉
惆悵已矣驅馬復歸來

樂生

王湯已淪昧戰國競貪兵樂生何感激仗義下齊城
雖圖竟中天遺歎寄阿衡

燕太子

秦王日無道太子怨亦深一聞田光義七首贈千金其事
雖不立千載爲傷心

田光先生

自古皆有死循義良獨稀奈何燕丹集作太子尚使田公集作
疑伏劍誠已矣感我涕霑衣

鄒衍

大運淪三代天人罕有窺鄒生何遼

集作寥

廓謾說九瀛垂

興亡已千載今也則無推

郭隗

逢時獨爲貴歷代非無才隗君亦何幸遂起黃金臺

五君詠

達志美類刺義感異哀事顏氏之心也疑焉

張說

齊公魏元忠

齊公生人表廻天聞鶴唳清論早揣摩玄心晚超詣入相
廊廟靜出軍沙漠齊見深呂祿憂舉後陳平計甘心除君
惡足以報先帝

以下五篇並見集本

許公蘇瓌

許公信國禎克美具瞻情百事資朝問三章廣世程
心不有臨節自爲名朱戶傳新戟青松拱舊塋淒涼丞相
府餘慶在玄成

趙公李嶠

李公實神敏才華乃天授睦親何用心處貴不忘舊故事
遵臺閣新詩冠宇宙在人忠所奉惡我誠將宥南浦去無
集作莫歸嗟嗟茂孫秀

代公郭元振

代公舉鵬翼懸飛摩海霧志康天地屯適與雲雷遇興喪
一言決安危萬心注大勲書王府舛命淪江路勢傾北夏
門哀靡東平樹

耿公趙彥昭

耿公山岳靈才傑心亦妙驚鳥峻標立哀王扣清調叶贊
休明啓思華日月照何意瑤臺雪風吹落江徼湘流下潯
陽灑淚一投弔

八哀詩

並序

杜甫

傷時盜賊未息興起王公李公嘆舊懷賢終於張相國八
公前後存沒遂不詮次焉

贈司空王公

禮思

司空出東夷童稚刷勁翮追隨燕薊兒穎銳一作物不隔
服事哥舒翰意無流沙磧未甚拔行間大戎大充斥短小
精悍姿屹然強寇敵貫穿百萬衆出入由咫尺馬鞍懸將

青甲外控鳴鏑洗劍清海水刻銘天山石九曲非外蕃其

王轉深壁飛兔不近駕驚鳥資遠擊晚學集作曉達兵家流飽

聞春秋癖習襟日沉靜肅肅自有適潼關初潰散萬乘猶

辟易偏裨無所施元帥見手格太子入朔方至尊待梁益

胡馬纏伊洛中原氣甚逆肅宗登寶位塞望勢敦迫公時

徒步至請罪將厚責際會清河公房太尉問道傳至冊天王

拜跪畢讜議果冰釋翠華卷飛雪一作飛熊虎亘阡陌屯

兵鳳凰山帳殿涇渭關金城賊咽喉詔鎮雄所搤禁暴靜

一作清無雙爽氣春浙瀝巷有從公歌野多青青麥及夫哭

廟後復領太原役恐懼祿位高悵望王土窄不得見清時

嗚呼就窀穸永繫五湖舟悲甚田橫客千秋汾晉間事與

雲水白昔觀文苑傳豈述蕪頗跡集作蘭績嗟嗟鄧大夫士卒終倒戟

故司徒李公光弼

司徒天寶末北收晉陽甲胡騎攻吾城愁寂意不愜人安若泰山薊北斷右脅朔方氣乃蘇黎首見帝業二宮泣西郊九廟起頽壓未散河陽卒思明偽臣妾復自碣石來火焚乾坤獵高視笑祿山公又獻大捷集作大獻捷異王冊崇勲小敵信所怯擁兵鎮河汴千里初妥帖青蠅紛營營風雨秋一葉內省未入朝死淚終映睫大屋去高棟長城掃遺堞平生白羽扇零落蛟龍匣雅望與英姿側愴槐里接三軍晦光彩烈士痛稠疊直筆在史臣將來洗箱篋吾思哭

孤冢南紀阻歸櫬扶顛求蕭條未濟失利涉疲繭竟何人

灑淚集作涕巴東峽

贈左僕射鄭國公嚴公武

鄭公瑚璉器華嶽金天晶昔在童子日已聞老成名巖若

集作然大賢後復見秀骨清開口取將相小心事友生閱書

百氏集作紙盡落筆四座驚歷職匪父任嫉邪常力爭漢儀

尚整肅胡騎忽縱橫飛傳自河隴逢人問公卿不知萬乘

集作乘輿出雪涕風悲鳴受詞劍閣道謁帝蕭關城寂寞雲臺

伏飄颻沙塞旌江山少使者笳鼓凝皇情壯士血相視忠

臣氣不平密論貞觀體揮發岐陽征感激動四極聯翩収

二京西郊牛酒至九廟集作原廟丹青明匡汲俄寵辱衛霍竟

哀榮四登會府地三掌華陽兵京兆空柳色尚書無履聲
群鳥自朝夕白馬休橫行諸葛蜀人愛文翁儒化成公來
雪山重公去雪山輕記室得何遜韜鈴延子荆四郊失壁
壘虛館開逢迎堂上指圖畫軍中吹玉笙豈無成都酒憂
國祗細傾時觀錦水釣問俗終相并意待犬戎滅人藏紅
粟盈以茲報主願庶獲集作或裨世程炯炯一心在沈沈二
豎嬰顏回竟短折賈誼徒忠貞飛旄出江漢孤舟轉荆衡
虛無馬融笛悵望龍驤塋空餘老賓客身上愧簪纓

贈太子太師汝陽郡王璉

汝陽讓帝子眉宇真天人虬鬚似太宗色映塞外一作春寒夜
往者開元中主恩視遇頻出入獨非時禮異見群臣愛其

謹潔極倍此骨肉親從容聽朝後或在風雪晨思欲集作忽

格猛獸苑囿騰清塵羽旗動若一萬馬肅駢駢詔王來射

鴈拜命已挺身箭出集作發飛鞚內上又一作入迴翠麟翻然

紫塞翻下拂明月輪胡人雖獲多天笑不爲新王每中一

物手自與金銀袖中諫獵書扣馬久上陳竟無銜際虞聖

慈一作聰矧多仁官免供給費水有在藻鱗匪惟帝老大皆

是王忠勤晚年務置醴門引申白賓道大容無能求懷侍

芳茵好學尚貞烈義形必沾巾揮翰綺綉揚篇什若有神

川廣不可泝墓久孤兔隣宛彼漢中郡王弟漢中郡王瑀文雅見

天倫何以開我悲泛舟俱遠津溫溫昔風味少壯已書紳

舊遊易磨滅衰謝多一作增酸辛

贈秘書監江夏李公邕

長嘯宇宙間高才日淪替古人不可見前輩復誰繼憶昔
李公存詞林有根柢聲華當健筆洒落富清製風流散金
石追琢山嶽銳情窮造化理學貫天人際于謁走其門碑
版照四裔各蒲深望還森然起凡例蕭蕭白楊路洞徹寶
珠惠龍宮塔廟湧浩劫浮雲衛宗儒俎豆事故吏去思計
眄睎已皆虛跋踖曾不泥向來映當時豈獨勸後世豐屋
珊瑚鈎麒麟織成罽紫駟隨劔几義取無虛歲分宅脫驂
間感激懷未濟衆歸賙給美擺落多藏穢獨步四十年風
聽九臯唳嗚呼江夏姿竟掩宜尼袂往者武后朝引用多
寵嬖否臧太常議面折二張勢衰俗凜生風排盪秋旻霽

慙貞負怨

集作寬

恨宮闕深旒綴放逐早聯翩低垂困炎厲

日斜鵬鳥入魂斷蒼梧帝榮

集作策

枯走不暇星駕無安稅

幾分漢庭竹夙擁文侯簪終悲落陽獄事近小臣斃禍階

初負謗易力何深濟伊昔臨淄亭酒酣託末契重叙東都

別朝陰改軒砌論文到崔蘇指盡流水逝近伏盈川雄楊公

烟未耳持進麗

李公

是非張相公

張公

相扼一危脆爭名

古豈然關鍵歟不閉倒及吾家詩曠懷掃氛翳慷慨嗣真

作和李大夫

咨嗟玉山桂鍾律儼高懸鯤鯨噴迢遞坡陀青州

血蕪沒汶陽瘞哀贈竟

集作晚

蕭條恩波延揭厲子孫在集作

存如綫舊客舟凝滯君臣尚論兵將帥接燕薊朗詠六公

篇

公有張相等五王泊狄相六公詩

憂來豁蒙蔽

關鍵

集作捷廣運通用

故秘書少監武功蘇公

源明

武功少也孤徒步客徐充讀書東嶽中十載考墳典時下

萊蕪靡忍飢浮雲嚙負米晚爲身每食臉必泫夜字照藝

薪垢衣生

一作帶

碧蘚庶以勤苦志報茲劬勞願學蔚醇儒

姿文包舊史善灑落辭幽人歸來潛京輦射君東堂策宗

匠集精選制題墨

集作可題

未乾休聲

集作乙科

已大闡文章日自

負掾吏亦累踐晨趨闔闔內足踏夙昔跼一麾出守還黃

屋朔風卷不暇陪八駿虜庭悲所遣平生蒲樽酒斷此朋

知展憂憤病二秋有恨石可轉肅宗復社稷得無逆順辨

范曄

宋書范曄坐謀反誅將死顧念其兒英華作范雲恐非

顧其兒李斯憶黃犬秘

書茂松色

集作意

再扈

集作載從

祠壇埤前後百卷文枕藉皆禁

鬱鬱刻

集作制作

楊雄流溟漲木末淺青熒芙蓉劍犀兕豈圖

剽反爲後輩藝予實苦懷緬煌煌齋房芝事絕

集作終

萬千

拳垂之俟來者正始貞

集作徵

勸勉不要懸黃金胡爲投乳

贊結交三十年

集作載

吾與誰遊衍熒陽復冥漠罪罟已橫

胃

鄭詩在後

嗚呼子逝日始泰即終蹇長安米萬錢凋喪盡餘

喘戰伐何當解歸帆阻清沔尚纏漳水疾未負蒿里錢

故著作郎貶台州司戶滎陽鄭公虔

鷄鵠至魯門不識鍾鼓響孔翠望赤霄愁思雕籠養滎陽

冠衆儒早聞名公賞地崇士大夫况乃氣精清

集作清

爽

往者公初

在疾蘇許公通位尊望重素未相識早愛才名躬自哀問後結忘年之契遠近慕之

天然生知姿學

立遊夏上神農或闕漏黃石媿師長藥慕西極名兵流指

諸掌

公所著薈蕞等諸書之外有選胡本草七卷

貫穿無遺恨薈蕞何技癢圭

臬星經奧蟲篆丹青廣子雲窺未遍方朔諧太枉神翰顧

不一體變鍾兼兩文傳天下口大字猶在榜昔獻書畫圖

新詩亦俱往滄州動玉陛

集作宮

鶴設一響三絕自

御題四方充所仰嗜酒益踈放彈琴視天壤形骸實土木

親近唯几杖未會記

一作官曹突

兀倚書幌晚就芸

香閣胡塵昏缺莽反覆歸聖朝點染無滌盪老蒙台州掾

遐泛

集作泛

浙江槩履穿四明雪飢拾槽溪橡空聞紫芝歌

不見杏壇丈天長眺東南秋色餘魍魎別離慘至今班白

徒懷曩春深泰山秀華墜青渭朗劇談王侯門野稊林下

鞅操紙終夕酣時物集遐想詞場竟踈濶平昔濫吹獎百

見存沒牢落吾安放蕭條阮咸在出處同世網他日訪

江樓含悽述飄蕩

著作與今秘書監鄭君審篇翰齊價謫居江陵故有阮咸江樓之句

故右僕射相國曲江張公

相國生南紀金璞無留礦仙鶴下人間獨立霜毛整矯然

江海

一作漢

思復與雲路求寂寞想土堦未遑

集作

等箕穎

上君白玉堂倚君金華省碣石歲崢嶸天地日蛙蠅退食

吟大庭何心記榛梗骨驚畏曩哲鬚變負人境雖蒙換蟬

冠右地慙多幸敢忘二疏歸痛迫蘇耽井金紫

集作紫綬

映莫

年荊州謝所領庾公興不淺黃霸鎮每靜賓客引調同諷

詠在務屏詩罷地有餘篇終語清省一陽發陰管淑氣含

公鼎乃知君子心用才文章境散帙起翠螭倚薄巫廬並

綺麗玄暉擁牋誅任昉騁自成一家人則未闕隻字警千秋

滄海南名繫朱鳥影歸與集作老守故林戀闕常集作情延頸

波濤良史筆蕪絕大庾嶺向時禮數隔製集作制作難上請

再續徐孺碑猶思理煙艇

三君詠並序

高適見文粹

開元中適遊於魏郡郡北有故太師魏公舊館里中有故
尚書郭公遺業邑外有故太守狄公生祠焉觀物增懷遂
爲三君詠

魏鄭公徵

鄭公經綸日隋氏風塵昏濟代取高位逢時敢直言道光
先帝業義激舊君恩寂寞卧龍處英靈千載魂

郭代公元振

代公寔英邁津涯浩難識擁兵抗矯徵仗節歸有德縱橫
負才智顧眄安社稷流芳勿重陳懷哉爲悽惻

狄梁公仁傑

梁公乃貞固勲烈垂竹帛昌言太后朝潛運儲君文粹作皇策
待賢開相府共理登方伯至今青霄文粹作雲人猶是門下客

安公

僧靈一

彌天稱聖哲象法初繫賴弘道識行藏匡時知進退秦王
輕與舉冒生重酬對學文古篆中義顯新經內法服應華
夏金言流海岱四方浮雲間更陪龍華會

林公

文公信高逸久向山林住時將孫許遊豈以形骸遇幸辭
天子詔復覽名臣疏西晉尚虛無南朝夕淪悞因談老莊
意乃盡逍遙趣誰謂竹林賢風流相比附

遠公

遠公逢道安一朝棄儒服真機久消歇世教空拘束誓入
羅浮中遂棲廬山曲禪經初慕定佛語新明目鉢帽紀疑
朝宗簪裾翻拜伏東林多隱士爲我辭榮祿

文苑英華卷第三百一

詩一百五十一

文苑英華卷第三百一

悲悼二

哭人三十八首

沈約一首

陶弘景一首

何胥二首

庾信二首

薛德音一首

張正見一首

陰鏗一首

江惣二首

劉斌一首

孔紹安一首

褚亮二首

王勃一首

盧照隣三首

駱賓王一首

沈佺期一首

崔融一首

鄭愔一首

杜審言一首

趙彥昭一首

李乂一首

喬知之

宋之問二首

蘇頲二首

張九齡一首

王維六首

悼亡

沈約

去秋三五月今秋還照梁

一作

今春蘭蕙草春來

或作明春復

吐芳悲哉人道異一謝永銷亡簾屏既毀撤

一作屏筵空有設

帷

席更施張遊塵掩虛座孤帳覆空牀萬事無不盡徒令存

者傷

此詩三百一卷重出今已削去注異同為一作

和約法師臨友人

陶弘景

我有數行淚不落十餘年今日為君盡併灑秋風前

傷章公大將軍

何胥

日萬橫行罷三千白日新短簫應出塞長笛反驚隣槐庭

慘芳樹舞閣思陽春所悲金谷妓坐望玉關人

哭陳昭

前人

思人適舊館寂寞非一原無復酣歌樂空餘燕雀喧落暉

隱窮巷秋風生故園撫孤空對此零淚欲奚言

傷王司徒褒

庾信

昔聞王子晉輕舉逐神仙謂言君積善還得嗣前賢四海

皆流寓非為獨播遷豈意中台裂君當風燭前王君鍾鼎

族江東三百年寶刀仍世載琬戈本舊傳綠紱紆槐綬黃
金侍飾蟬地建忠臣國家開孝子泉自能枯木潤足得流
水圓蒼承祖武諸侯無間然青衿已對日童子即論天
顥陰珠玉麗河陽脂粉妍名高六國共價重十城連辯足
觀秋水文堪題都年切說文日走頓也馬鞭迴鸞抱書別字鶴沈琴
絃擁旄裁甸服垂帷非被邊靜亭空擊馬閑烽直起煙不
發披書按無妨坐鈎舡茂陵忽移病淮陽實未痊侍醫逾
默默神氣遂綿綿永別張平子長埋王仲宣栢谷移松樹
陽陵買暮田陝路秋風起寒堂已飈焉在陽一搖落山火
即時燃昔爲人所羨今爲人所憐世途且或且人情玄又
玄故人傷此別留恨滿秦川定若於此定全德以斯全唯
有山陽笛悽餘思舊篇

和王少保遙傷周處士

前人

冥漠爾遊岱悽涼余向秦雖言異生死同是不歸人昔余
仕冠蓋值子避風塵望氣求真隱伺關待逸民忽聞泉石
友芝桂不防身悵然張仲蔚悲哉鄭子真三山猶有鶴五
柳更應春遂令從渭水投釣往江濱

悼亡

薛德音

鳳樓簫曲斷桂帳瑟絃空畫梁纔照日銀燭已隨風苔生
履跡處花沒鏡塵中唯餘長簾月永夜何朦朧

傷常侍讀

張正見

懷經侍北海蘊義盛西河高峰落廻照逝水役驚波柳下

悲風急山陽秋氣多宿草摧書帶寒松脆女蘿無復華陰市空餘蒿里歌

和悼亡

樊晉陽傷妾類聚陽作陵

陰鏗

盡梁朝日盡芳樹晚花辭忽以千金笑長作九泉悲鏡前塵劇粉機上網多絲戶餘雙入燕牀有一空惟名香不可得詎見反魂時

在陳旦解醒共哭顧舍人

江惣見類聚

獨酌一罇酒高詠七哀詩何言蒿里別非復竹林期階荒鄭公草戶閒董生惟人隨暮槿落客共晚鶯悲年鬢兩如此傷心詎幾時

和張記室源傷往

集作傷佳人

前人

類聚

婦當壚夜夫婿凱師歸

集作

年正歌千里曲翻入九

重泉機中未斷素瑟上本晉絃空帳臨窓掩孤燈向壁燃

還悲寒壘曙

集作

松短未生煙

和許給事傷牛尚書

弘

劉斌

見初學記

名臣不世出百工之所求况乃非常器遭逢興運秋符彩昭千里銓衡綜九流經綸資博物樽俎寄皇猷韶濩傾復理典禮素還脩雖貞棟梁任蕪好藝文遊佇聞和昂實行當奉介丘高衢飛稅駕閱水遽遷舟傳呼更何日曳履聞無由歸魂藐修路征棹艤邦溝林薄長風慘江上寒雲愁夜臺終不曙遺芳徒自留

傷顧學士

孔紹安

迢遞雙嶠道超忽三川湄此中俱失路思君不可思遊人
行變橘遊者遽焚芝憶昔江湖上同詠子衿詩何言陵谷
徙翻驚隣笛悲陳根非席卉總帳異書帷與善成空說殲
良信在茲今日嚴夫子哀命不哀時

傷始平李少府正已

褚亮

勞息本相循悲歡理自均誰能免玄夜惜爾正青春邁德
惟家寶生才諒國珍高文綴翡翠茂學掩麒麟述作紛無
已言談妙入神斷腸雖累月分手未盈旬輔嗣俄長往顏
生即短辰聲華滿昭代形影委窮塵禪草廼中使生芻引
弔賓同遊秘府日方駕直城闔並拜黃圖右分曹清渭濱
風期稽旨好存沒范張親虛座懷王述遺篇慟景純精靈

家翰千祀壽何人

在隴頭哭潘學士

前人

隴底嗟長別流襟一慟君何言幽咽所忽作死生分轉蓬
飛不息悲松斷更聞誰能駐征馬回首望孤墳

傷裴錄事喪子

焚芝

集作
芝焚

王勃

蘭堦霜候早松露交臺深魄散珠胎沒芳銷玉樹沉露文
晞宿草煙照慘平林焚芝空歎息流恨滿籬金

哭金部肅郎中

盧照隣

金曹初受拜玉地始含香翻同五日尹遽見

集作是

一星亡

賀客猶扶路哀人遂上堂歌筵長寂寂哭位日蒼蒼歲時
賓徑斷朝暮雀羅張書晉魏主閣魂掩漢家牀徒令永平

地千載罷撞卽

以下三篇並見集本

哭明堂裴主簿

前人

締歡三十載通家數百年播揚稱代穆秦晉忝姻連風雲
洛陽道花月茂陵田相悲復相樂交騎共交筵始謂調金
鼎如何掩玉泉黃公酒壚處青眼竹林前故琴無復雪新
樹但生煙遽痛蘭襟斷徒令寶劍懸客散同秋葉人亡似
夜川送君一長慟松臺路幾千

同崔錄事哭鄭員外

前人

文學秋天遠郎官星位尊伊人表時彥飛輿滿司存楚席
光文雅瑤山謂瑤山玉彩侍討論面頰詞陵漢閣龜辨畢周圍已
暗東岳駕將逝北溟鯤如何黃四化盡空歎九飛魂白馬西

東驛青松北海門夜臺無路

元集作曉

箭朝奠有虛樽一代儒

風沒千年隴霧昏梁山送去八子湘水吊王孫僕本多悲淚
沾裳不待後聞君絕絃曲天公恨更無言

傷祝阿王明府

駱賓王

洛川貞氣上重泉惠政融含章光後烈繼武嗣前雄與善
良難驗生涯忽易窮翔鳬猶化履仰雉尚馴童錢滿荒堦
綠塵生集作浮虛帳紅夏餘將宿草秋近未驚蓬煙晦泉門
閉集作夕日盡集作遠夜臺空誰堪孤隴外獨聽白楊風

哭蘇眉州崔司業二公

并序

沈佺期

侍郎裴公

集作同時郎裴懷古者

作牧潭府神龍三

集作二

年秋八月

雲卿

集作佺期

承恩北歸路接寒溫

集作途中觀止問

集作訪

及親故適

集作 知眉州蘇使君味道國子崔司業融集作有融相次

而逝蘇往任鳳閣侍郎雲卿集作忝通事舍人崔重為鳳

閣舍人雲卿遷給事中集作任期並承集作疇昔之眷俱

荷提獎之恩前年負譴南荒集作二公先移官守迨此凶

問情復集作何堪所恨集作遷竄有期集作此行邁在遠

哀不展舊禮不申卑流慟斯文冀通幽路

渙汗天中發伶俜海外旋長沙遇太守問舊幾人全國寶

亡雙傑天才喪兩賢大名齊弱歲高德並中年風鑑王夷

甫文章謝惠連集作禮樂羊叔相看尚玄鬢集作相次入

黃泉流放蠻陬濶鄉關地里偏親朋雲霧擁生死歲時傳

崔昔揮宸翰蘇嘗濟巨川絳衣陪下列黃閣謬差肩及此

俱冥昧云誰叙播遷隼旗集作懷故集作轍輶館想盧筵

家愛方休杵皇慈更撤懸銘旌西蜀路騎吹北却田隴樹

應秋矣江帆固集作杳然罷琴明月夜留劍白雲天涕泗

湘潭水悽集作涼衡嶠烟古來脩短分神理竟難筌

哭蔣詹氏事儼 崔融見集

江上有長離從容盛羽儀一鳴百獸舞一舉群鳥隨應我

聖明代巢君阿閣垂鈞陳侍帷宸環衛奉旌麾雅量滄海

納宏才廊廟施養親光孝道事主竭忠規貞節既已固殊

榮良不訾朝遊雲漢省夕宴芙蓉池汲黯言當直陳平智

本奇功成喜身退時往惜年馳鎮國山基毀中天柱石移

將軍空有頌刺史獨留碑蕪謾藏書壁荒涼懸劍枝昔余

參下位數載忝牽羈置榻恩逾重迎門禮自卑竹林常接
興黍穀每逢吹逸翰金相發清談玉柄揮不輕文舉少深
歎子雲疲遺愛猶如在殘編尚可窺即今流水曲何處俗
人知

哭郎著作

鄭愔

詩禮康成學文章賈誼才已年人得夢庚日鳥為災書草
藏天閣琴聲入夜臺荒階羅駁蘚虛座網浮埃白馬賓徒
散青鳥隴隧開空憐門下客懷舊幾遲迴

悼亡

集作代張侍御傷美人

杜審言

二八泉扉掩帷屏寵愛空淚痕銷夜燭愁思集作緒亂春風
巧笑人疑在新粧曲未終尚憐脂粉氣留集作猶著舞衣中

哭僕射鄂公楊再思

趙彥昭

兩揆光天秩三朝奉帝熙何言集大鳥忽此喪元龜坐歎
公槐落行聞宰樹萎壑舟今已去寧有濟川時

同前

李义

端揆凝邦績台階闡國猷方崇大厦棟忽逝巨川舟白日
銘安在清風頌獨留死生恩命畢零落掩山丘

哭故人

喬知之

生死久離居淒涼歷舊廬歎茲三徑斷不踐十年餘古木
巢禽合荒庭愛客疎匣留彈罷劒牀積讀殘書玉沒終無
像蘭言強問虛平山不得意泉路復何如

傷王七秘書監寄呈楊州陸長史通簡府寮以廣

好事集作廣陵好事

宋之問

王氏貴先宗衡門棲道風得心集作傳心晤有物乘化遊無窮
學與九流異機玄三語同書乃墨場絕文稱詞伯雄白屋
藩魏主蒼生望謝公一祗賢良召遂謁承明宮補衮望奚
塞尊儒位未克罷官七門裏歸老一丘中嘗忝長者輒微
言私未通我行會稽郡路坐廣陵東物在人已矣都疑淮
海空

使至嵩山尋杜四不遇慨然復傷田洗馬韓觀主

因以題壁贈杜侯

前人

洛橋瞻太室期子在雲烟歸來不見面孤賞弄寒泉與君
濶松石干茲二十年田公謝昭世歸子秘幽埏憶昔同携

手山樓接二賢笙歌入玄地詩酒坐寥天舊友悉零落罷
琴私自憐逝者非藥誤冷霞意可全為余理還策相與事
靈仙

蜀城哭台州樂安俞少府

蘇頲

遠遊躋劍閣長想屬天台萬里隔三載此邦余重來音容
曠不覩夢寐殊悠哉邊郡饒籍籍晚庭正回回喜傳上都
封因促傍吏開何悟海監客已而梁木摧變衣寢門外揮
涕少城隈却計分明得猶持委曲猜師儒悉訓獎仲季時
童孩服義陳書篋邀歡泛酒杯慙令風雨散仍迫歲時廻
其道惟正直其人信美俚白頭還作尉黃綬固非才可歎
懸蛇疾先貽問鵬災故鄉閉窮壤宿草生寒莎零落九原

去蹉跎四序催曩期冬贈橘今哭夏成梅執禮誰爲贈居
常不徇財北登垆塚坂東望姑蘇臺天路本懸絕江波空
泝洄念孤心易斷追往恨難裁不遂卿將伯孰云陳與雷
衰殘集作吾衰亦如此夫子復何哀

夜聞故梓州常使君明當引紼感而成章 前人
惻矣南鄰問冥然東岱幽里聞寧相杵朝歎忽遷舟君
惟伯仲吾人復款遊對連時亦早交喜歲纔周序發扶陽
贈交因司寇酬詎期危露盡相續逝川流卧疾無三弔居
閑有百憂振風吟鼓夕明月照惟秋薛駁題詩館楊疎奏
妓樓共將歌哭嘆轉爲弟兄留恐物存如夢觀生去若浮
余悲忘情者雪涕報林丘

和姚令公哭李尚書

張九齡

賁賤雖殊等平生竊下風雲泥執刀已絕山海納還通忽歎
登龍者翻將吊鶴同琴詩猶可託此劍履獨成空疇昔嘗論
禮集作體興言每匪躬人思崔琰集作琰譏朝憶祭遵公作善神何
酷依仁命不融天文虛北斗人事罷南宮上宰旣傷舊下
流彌感衷無因報國上徒欲問玄穹

哭殷遙二首

王維

人生能幾何華竟歸無形念君等爲死萬事傷人情慈母
未及葬一女纔十齡訣別集作決寒郊外蕭條聞哭聲浮雲
爲蒼莽飛鳥不能鳴行人何寂寞白日一作日色自淒清憶昔
君在時問我學無生勸君若不早令君無所成故人各有

贈又不及生平負爾非一途慟哭返柴荆

二

送君返塋石樓山松柏蒼蒼賓馭還埋骨白雲長已矣空餘流水向人間

哭孟浩然

前人

故人不可見漢水日東流借問襄陽老江山空蔡州

哭褚司馬

前人

妄識皆心累浮生定死嫌誰言老龍吉未免伯牛災故有求仙藥仍餘遁俗杯山川秋樹苦窓戶夜泉哀尚憶青驄去寧知白馬來漢臣修史記莫蔽褚生才

過沈居哭沈居士

前人

楊米來此哭桑扈返於真獨自成千古依然舊四鄰閑簷喧鳥雀故榻滿寒塵曙日孤鶯轉空山五柳春野花愁對客泉水咽迎人善卷明時隱黔婁在日貧逝川嗟爾命丘井歎吾身前後徒言隔相思悲詎幾晨

哭祖陸自虛時

年十八

前人

否極嘗聞泰嗟君獨不然憫凶纔稚齒羸疾至中年餘力文章秀生知禮樂全翰留天帳覽辭入帝宮傳國訝將軍少人知賈誼賢公卿盡虛左朋識共推先不恨依窮轍終期濟巨川才雄望高鴈壽促皆貂蟬福善聞前錄殲良昧上玄何辜鍛鸞翮底事碎

一作

龍泉鵬起長沙賦麟終曲

阜編城中君道廣海內我情偏乍失疑猶在沈思悟絕緣

生前不忍別死後向誰宣為此情難盡彌令意更纏本家
清渭曲歸塋舊塋邊求去長安道徒開京兆阡旌車出郊
甸鄉國隱雲天定作無期別寧同舊日旋候門家屬苦行
路國人憐送客哀終一作難進征途哭復前贈言為挽曲奠
席是離筵念昔同携手風期不暫捐南山俱隱逸東洛類
神仙未審音容間那堪生死遷花時金谷飲月夜竹林眠
滿地傳都賦傾朝看藥缸群公一作英咸屬目微物敢齊肩
謬合同人旨而將玉樹連不期先挂劍長恐後施鞭為善
吾無矣知音子絕焉琴聲縱不沒終亦斷悲絃

文苑英華卷第三百二

文苑英華卷第三百三

詩一百五十三

悲悼三

哭人六十一首

杜甫四首

沈宇一首

常建一首

高適二首

劉長卿四首

李嘉祐一首

皇甫曾一首

盧綸一首

韋應物一首

顧況四首

耿緯二首

司空曙二首

李益一首

權德輿三首

于鵠二首

杜誦一首

李敬方一首

衛象一首

戎昱一首

劉商二首

釋靈一首

釋護國一首

釋皎然一首

釋靈徹一首

王建一首

楊衡一首

韓愈一首

劉禹錫十首

孟郊七首

哭李常侍嶧

杜甫

一代風流盡修文地下深斯人不重見將老失知音短日行梅嶺寒山落桂林長安若箇_詩軒猶想映貂金

哭嚴僕射歸觀

前人

素幔隨流水歸舟返故京老親_知夙昔部曲具平生風送蛟龍雨天長驃騎營一哀三峽_昔春遺後見君情

哭李尚書芝芳

前人

漳濱與蒿里逝水竟同年欲把_雷徐劒猶迴憶戴船相知成白首此別間黃泉風雨嗟何及江湖涕泫然修文思管輅奉使失張騫史閣行人在詩家秀句傳客亭鞍馬絕旅櫬網蟲懸復魄昭丘遠歸魂素漣偏樵蘇封塋地喉舌罷朝天秋色凋春草王孫若箇邊

奉漢中王手札報韋侍御蕭尊師亡 前人

秋日蕭韋逝淮王報峽中小_{集作}年疑柱史多術恠仙公

不但時人惜祗應吾道窮一哀侵疾病相識自兒童處處

隣家笛飄飄客子蓬強吟懷舊賦已作白頭翁

塞外哭友人

沈宇

菊黃蘆白鴈初飛羗笛胡笳淚滿衣送君腸斷秋江外
去東流何日歸

弔王將軍墓

常建

嫋姚北伐時深入幾

文粹作強

千里戰餘落日黃軍敗鼓聲死

常言

文粹作門

漢飛將可奪單于壘今與山鬼隣殘兵哭遼水

哭單父梁洽少府

高適

開篋淚沾臆見君前日書夜臺今

集作空

寂寞猶是子雲居

疇昔探靈

集作貪雲

奇登臨賦山水同舟

南楚夜

集作浦下

望月西

江裏契濶多離別

集作當別離

綢繆到生死九原即何處萬事

皆如昨晉山徒嗟峨斯人已冥冥常時祿且少

集作薄

歿後

家復貧妻子在遠道弟兄無一人十上多苦辛

詩選作心

一官

恒自晒青雲將可致白日忽先盡推獨

詩選作有

身後名空流

集作晉無遠近

哭裴少府

前人

世上誰不死嗟君非生慮扶

一作無

病適到官田園在何處

公才羣吏感堇事他人助余亦未識君

悲哭君去

哭李

集作陳

歙州

劉長卿

千秋萬古堊平原素業清風及子孫旅視歸程傷道路舉

家行哭向田園空山寂寂開新塚喬木蒼蒼掩舊門儒行

公才竟何處

集作在

獨憐棠樹一株存

雙峯下哭故人李宥

前人

憐君孤塚寄雙峯埋骨窮泉復幾重白露空沾九原草青
山獨閉數株松圖書經亂知何在妻子移家失所從惆悵
東臯却歸去人生無處更相逢

哭張員外繼

公及夫人相次歿於洪州

前人

慟哭鍾陵下東流與別離二星來不返雙劍沒相隨獨繼
先賢傳誰刊有道碑故園荒峴曲旅觀寄天涯白簡魯連
拜滄州每集作豈共思撫存憐齒頰歎逝顧身衰泉壤成終
古雲山若在時秋風鄰笛發寒日寢門悲世難愁歸路家
貧緩塋期舊賓徬未散夕臨咽怛遲自此辭張邵何由見
戴逵獨聞山吏部流涕訪孤兒

哭魏兼遂

公及孀妻幼子與家童數人相次逝於漢陽

前人

古今俱此集作有此去修短竟誰分踴酒空如在絃琴豈重聞
一門同逝水萬事共浮雲舊館何人宅空山遠客墳艱危
貧且病少小秀而文獨行依窮巷全身出亂軍歲時常寂
寞烟月自氛氲隴樹隨人古山門對日曛泛舟悲向子留
劍贈徐君來去雲陽路傷心江水濱

傷歙州陳二使君

李嘉祐

憐君辭病卧滄州一旦云亡萬事休慈母斷腸妻獨泣寒
雲慘色水空流江村故老長懷惠山路孤猿亦共愁寂寞
荒墳近漁浦野松孤月集作煙朝暮即千秋

傷陸處士

皇甫魯

從此無期見柴門對雪開二毛逢世難萬恨掩泉臺返照
空堂夕孤城弔客迴漢家偏訪道猶畏鶴書來

同兵部李紆侍郎刑部包佶侍郎哭皇甫侍御魯

盧綸

攀龍與泣麟哀樂不同塵九陌霄漢侶一燈冥冥人舟沉
驚海濶蘭折怨霜頻已矣復何見故山應更春

悲故交

韋應物

白璧衆求瑕素絲易成汙萬里顛沛還高堂已長暮積憤
方盈抱經哀忽逾度念子從此終黃泉竟誰訴一爲時所
集作感豈獨平生故唯見荒丘原野草塗朝露

傷大理謝少卿

顧況

舊館絕逢迎新詩何處呈空晉封禪草已作僖宗行柳蠹

風吹折

集作折

階崩雪遶平無因雨生來此剩哭兩三聲

哭從兄萇

前人

洞庭違鄂渚嫋嫋秋風時何人不客遊獨與帝子期黃鵠
鍛飛翹青雲歎沉姿身終一騎曹高蓋者爲誰從駕至梁
漢金根復京師皇恩溢九垓不記屠沽兒立身有高節滿
卷多好詩赫赫承明庭羣公默無詞草木正搖落哭兄鄰
水湄共居雲陽里輒軻多別離人生倏忽間旅觀飄若遺
稚子新學拜枯楊生一枝人生倏忽間精爽無不知舊國
數千里家人由未知人生倏忽間安用才士爲

傷子

前人

老夫哭集作愛子日暮千行血聲逐斷猿悲路隨飛鳥滅

老夫已七十不作多時別

悼稚

前人

稚子比來騎竹馬猶疑只在屋東西莫言道者無悲事曾聽已猿向月啼

哭張融

耿緯

早歲能文客中年與世違有道類詩作嬌婦少無子弔人

稀總帳塵空積集作銘旌雨不飛依然舊鄉路寂寞幾回

歸

哭麴象

此篇三百五首重出今已刪去

前人

一作司空曙

憶昨秋風起君曾歎逐臣何言芳草日自作九泉人

傷苗員外呈張參軍

苗公即參軍舅氏

司空曙

思君甯家宅久接竹林期嘗值偷琴處親聞比玉時高人

不易合弱冠早相追

集作

思藝

集作

臨諸友能文即我師

陵寒松未老先暮槿何衰季子生前別羊曇醉後悲壽堂

乖一慟奠席阻長辭因瀝殊方淚遙成墓下詩

哭王注

前人

已歎漳濱卧何言駐隙難異才傷促短諸友哭門闌古道

松聲暮荒阡莫色寒延陵今葬子空使魯人觀

惜春傷同幕故孟郎中杜侍御兼呈去年看花友

一作故人

李益

畏老身今老逢春鮮惜春今年看花伴已少去年人

哭劉四尚書

權德輿

士友惜賢人天朝喪守臣才華推獨步聲氣幸相親埋柁
環中妙儒爲席上珍笑言成月旦風韻揖天真丹地膺推
擇青油寄撫循豈言朝相位翻是卧漳濱命賜龍泉重追
榮密印陳撤絃驚物故尤具見家貧牢落風悲笛汎瀾涕
泣中共嗟蒿里月非復柳營春黃絹碑文在青松隧路新
音容無處所歸作北邙塵

張工部發引日屬傷足卧疾不遂執紼 前人

予春傷足日况有寢門哀元伯歸全去無由白馬來笳蕭
里巷咽龜筮墓田開片石潺湲淚含悽

集作悲叙史才

哭張十八校書

數日前書未及還客戲承凶訃

前人

藝閣爲卽一命初桐川寄處以十年餘魂隨遊水歸何處名
在新詩衆不如蹉跎江浦山土華髮牢茲寒原會素車更憶
八行前日到含悽爲報秣陵書

哭王都護

于鵠

老將明王識臨終拜上公告哀鄉路遠助戰戍城空素幔
朱門裏銘旌秋巷中史官如不濫獨傳說英雄

悼孤子

前人

年長始一男心亦頗自娛生來歲未周奄然却歸無裸送
不以衣瘞埋於中衢乳母抱出門所生亦隨呼嬰孩無哭
儀禮經不可踰親戚相問時抑悲空歎吁襁褓在舊牀每
見立踟躕靜思益傷惜畏老爲獨夫

哭李暹

前人

驅馬街中哭送君靈車碾雪隔城門唯有山僧與樵客共
舁孤襯入幽墳

哭長孫侍御

杜誦

道為詩書重名因賦頌雄禮闈曾擢桂憲府舊集作屢或作近乘
驄流水生涯盡浮雲世事空唯餘舊臺一作臺上栢蕭瑟九原
中

此詩見中興間氣集亦云杜誦作今載杜甫集可疑

聞陳高侍御卒貶所

李敬方

西京高院長直氣似吾徒走馬論邊備飛聲感廟謨官移
未察身沒事多符寂寞他年後名編野史無

傷李端

衛象

才子浮生促泉臺此路賒官卑楊執戟年少賈長沙人去
門栖鳥災成酒誤蛇唯餘封禪草晉在茂陵家

聞顏尚書陷賊中

戎昱

傳道征南歿那堪故吏聞能持蘇武節不授馬超勳國破
無人信天秋有鴈羣同榮不同辱今日負將軍

哭韓淮端公兼上崔中丞

劉商

堅貞與和璧利用歸干將金玉徒自寶高賢無比方挺生
巖松姿孤直陵雪霜亭亭結清陰不競桃李芳讀書哂霸
業翊贊思皇王千載有疑議一言能否臧儒風久淪弊顏
閔壽不長邦國豈殄瘁斯人今又亡別離長春草存沒隔

楚鄉聞問尚書慟淚凝向日黃奄忽薤路晞杳冥泉夜長
賢愚自修短天色空蒼蒼銘旌歛歸魂荆棘生路傍門柳
日蕭索總帷掩空堂燈孤晦處明高節歿後彰芳蘭已灰
燼幙府晉餘香常愛獨坐尊繡衣如鴈行至今虛佐位言
發淚沾裳

同諸子哭張元芳

前人

盛德高名摠是空神明福善大朦朧遊魂未末無歸日流
水年年自向東素帷旅視鄉關遠舟旆燈 客舍中作道
共悲無後嗣孀妻老母斷垣蓬

哭魏尚書

釋靈一

靈戟重門楚水陰天涯欲言不共傷心南荆雙履痕猶在北

孤魂望已深蓮花幕下悲風起細柳營邊曉月臨前路
茫茫向誰問感恩空有淚沾襟

傷蔡處士

釋護國

篋中遺草是琅玕對此空令灑淚看三徑尚餘行跡在數
螢猶是映書殘晨光不借泉門曉暝色唯添蠟樹寒欲問
皇天天更遠有才無命說應難

五言哭吳縣房聳明府

釋皎然

仁人邁厚德可謂名實全撫迹若踈曠會心極精研履危
節詎屈廣德初江南寇盜充斥賊逼召著論識不偏公著道性

論一篇恨以榮級淺嘉猷未及宣伊人期遠大志業難比肩
昭世既合并吾君藉陶甄柰何明明理與善徒空銓徵教

或稽聖窮源及問天一官自吳邑六翮委江壖始是牽絲
日翻成撒瑟年金膏果不就
房公昔日就沈道士學長王

佩長此捐倚伏信冥昧夭壽驚後先安知忘情子愛網素

已褰為有深仁感遂令真性遷心悲空林下淚灑秋景前

夫子寡兄弟無孤傷藐然傾雲為慘結弔鶴共聯翩割念

歸命駕訣詞向空筵樹桃陰始合愛客位常懸恍若遠行

時杲望歸朝旋悟茲歡宴隔哀彼歲月延書帶變芳草履

痕移綠錢冥期儻可逢生盡會無緣
王坦之初與沙門竺法師甚厚每共論幽

明報應便要先死者當報其事後經年師忽來云幸願示

因業
代居運專
沈約云死後冥中見千因師我造經拔我苦難相思轉寂寞

獨往西林泉欲見故人心時開所贈篇素高陶靖節今重

楚先賢芳躅將遺愛可為終古傳

聞李虔州亡

釋靈徹

時時聞說故人死日日自悲垂老身白髮不生應不得青

山長在屬何人

弔孟東野二首

王建

吟損
一作哭盡秋天月不明蘭無香氣鶴無聲自從東野先生

死側近雲山得散行

二

老松臨死不生枝東野先生早哭兒但是洛陽城裏客家

傳一本長殤詩

哭李象

楊衡

白雞黃犬不將去寂寞空餘堊時路草苑花開年復年後
人知是何人墓憶君思君獨不眠夜塞月照青楓樹

哭楊兵曹凝陸欽州叅

韓愈

人皆集作期七十纔半豈蹉跎數集作出知己淚自然白

髮多晨興為誰慟還坐久滂沱論文與晤語集作新墳與宿草已

矣兩集作復一作可如何

哭王僕射相公

播時蕪鹽鐵暴薨

劉禹錫

于侯一日病滕公千載歸門庭颯已變風物慘無輝群吏
謁新府舊賓霑素衣歌堂忽暮哭駕雀盡驚飛

許給事見示哭工部劉尚書詩因命同作

前人

漢室賢王後從叔望在河間孔門高第八濟時成國器樂道任天

真特達主無玷堅貞竹有筠物戎寬得衆市義貴能貧護
塞無南牧馳心拱北辰乞身來闕下賜告卧漳濱榮躍初
題劍清瀛已拖紳宮星徒列位隙日不廻輪昔自追飛侶
今為侍從臣素絃哀已絕青簡歎猶新未遂揮金樂空悲
撤瑟晨淒涼竹林下無復見清塵

傷獨孤舍人

并引

前人

貞元中余以御史監祠事河南獨孤生始仕為奉禮郎有
事宗廟郊疇必與之俱繇是甚熟及余謫武陵九年間獨
孤生仕至中書舍人視草禁中上方許以宰相元和十年
春余祇召抵京師次都亭日舍人以疾不起余聞因作傷
詞以為弔

昔別公年少今悲喪國華遠來同社驚不見早梅花

遙傷段右丞

江湖舊遊
南宮交代

前人

江梅多豪氣朝廷有直聲何言馬蹄下一旦是佳城

哭麗京北

少年有俊氣嘗
罷制科之首

前人

俊骨英才氣褒然策名飛步冠羣賢逢時已自致高位得

病

集作疾

還因倚少年天上別歸京兆府人間空歎茂陵阡

今朝總悵哭君處前日見鋪歌舞筵

哭呂衡州時余方謫居

前人

一夜霜風凋玉芝蒼生絕望士林悲空懷濟世安人畧不
見男婚女嫁時遺草一函歸太史旅墳三尺近要離朔方
徙歲行當滿欲爲君刊第二碑

傷循州渾尚書

前人

貴人淪落路人哀碧水連天丹旆迴遙想長安此時節朱
門深巷百花開

重至衡陽傷柳儀曹

并序

前人

元和乙未歲與故人柳子厚臨湘水爲別柳浮舟適柳州
余登陸赴連州後五年余從故道出桂嶺至前別處而君
歿於南中因賦詩以投吊

憶昨與故人湘江岸頭別我馬映林嘶君帆轉山滅馬嘶
循故道帆滅如流電千里江籬春故人今不見

謫居悼往

前人

悒悒何悒悒長沙地卑濕樓上見春多花前恨風急猿愁

腸斷叫鶴病翹趾立牛衣獨自眠誰哀仲卿泣

逢傷丘中丞

并引

前人

河南丘絳有詞藻與余同昇進士科從事鄴下不幸遇害故爲傷詞

鄴下殺才子蒼茫冤氣凝枯楊映漳水野火上西陵馬鬣今無所龍門昔共登何人爲弔客唯是有青蠅

哭李觀

孟郊

志士不得老多爲直氣傷阮公終日哭壽命固難長顏子既殂謝孔門無輝光文星落奇曜寶劍摧修鉞常作金應石忽爲宮集作參別商爲爾弔琴瑟斷絃難再張偏轂不可轉一作推隻翼不可翔清塵無吹噓委地難飛揚此義古所

重此風今已

一作則

亡自聞喪元賓一日八九狂沉痛此來

夫嗚呼彼穹蒼我有出俗韻善集作誰能彰旅葬無高墳栽松不成一作依行哀歌動寒

日贈淚沾晨霜

一作衣裳

神理本空旨

集作冥冥

今來更茫茫何以

蕩悲懷萬事付一觴

哭盧貞國

前人

一別難與期存亡易寒燠下馬入君門聲悲不成哭自能富才藝當冀深榮祿皇天負我賢遺恨至滿目平生嗟無子家事親相囑

哭秘書包太監

前人

哲人卧病日賤子泣玉年常恐寶鏡破明月難再圓文字

未改素聲容忽歸玄始知知音稀千載一絕絃舊館有遺
琴清風那再傳

哭李舟員外并寄杜中丞 前人

生死方知交態存忍將斷斷報幽魂十年同在平原客更
遣何人哭寢門

悼吳興楊衡評事 前人

君生集作雪水清君去雪水渾空有集作骨肉親集作哭

得日月集作昏大夜不復曉古松長閉門琴絃綠水絕詩

句青山存昔為芳春顏今為芳春根獨問冥冥一作理先

儒未嘗一作言

李少府廳弔李元賓遺字元賓題少府廳云宿從叔宅有感有其義

前人

零落四五集作字忽然集作千萬年那知真寂客集作那

客不有補遺集作篇斜月吐集作空壁旅人難獨眠一生

能幾時萬集作慮來相煎戚戚故交淚幽幽長夜泉已矣

難重言一言一潜然

悼幼子 前人

一閉黃蒿門不聞白日事生氣散成風枯形化為地負我
十年恩欠爾千行淚灑之北原上豈集作待秋風至

文苑英華卷第三百三

文苑英華卷第三百四

詩一百五十四

悲悼四

哭人六十二首

張籍五首

元稹三首

白居易八首

一首

賈島六首

釋無可一首

杜牧六首

姚合一首

張祐二首

朱慶餘一首

劉得仁二首

許渾六首

雍陶一首

溫庭筠三首

方干三首

李洞二首

項斯一首

馬戴二首

聶夷中一首

皮日休二首

鄭谷五首

陳陶一首

哭元九少尹

張籍

平生志業獨相知，早結雲山老去期。
初作學官常對宿，晚登朝列暫同時。
閑來各數經過地，醉後齊吟倡和詩。
今日春風花滿宅，一作院入門行哭見靈帷。

哭胡十八

前人

早得聲名年尚少，尋思集作常志氣出風塵。
文場繼續成三代，家世集作族輝華在一身。
幼子見存集作生纔滿月，選書知集作未成人。
送君帳下衣裳白，數尺墳頭柏樹新。

哭丘長史

前人

曾作先皇殿上臣，丹砂久服一作別不成真。
常騎馬在嘶空，一作擬自作書留別故人。
詩句徧傳天下口，朝衣長送地中身。
最悲昨日同遊處，看却春一作東風樹樹新。一作春

沒蕃故人

前人

前年戍月支城下，集作上沒全師蕃漢斷。
消息死生長別離，無人收廢帳歸馬。
識殘旗欲祭疑君在，天涯哭此時。

哭孟寂

前人

曲江院裏題名處，十九人中最少年。
今日春光君不見，杏花零落寺門前。

傷呂衡州二首

元稹

望有經綸釣度收宰相刀鵬心駕風遠雲貌接天高國待
求琳器家藏虎豹韜盡將千載寶埋入五原蒿

二 前人

鷓鴣生難敵沉檀死更香兒童喧巷市羸老哭碑堂鴈起
沙汀暗雲連海氣黃祝融峯上月幾照北人喪

哭女樊四十韻 號州長史時作 前人

逝者何由見中人未達情馬無生角望猿有斷腸鳴去伴
投遐徼來隨夢險程四年已養育萬里碇迴縈病是他鄉
染鬼應遠處驚山魑和去 集示作 逼沙虱毒潛嬰母幼看寧
辨余慵療不精欲尋方次弟俄值疾充盈燈火徒相守香
花祇浪擎蓮初開月梵薜已落朝榮魄散雲將盡形全玉

尚真空垂兩行血深送一枝瓊秘祝休巫覡安眠放肆令
舊衣和篋施殘藥蒲團傾乳媪閑於社醫僧媿似醒憫渠
深覺瘡 集作瘡一作瘡 訝佛力難爭騎竹癡猶子牽車少外甥等
長 集作閑 迷過影逞戲謔啼聲汗 集作浣 紙傷餘畫扶牀念試

行獨留呵面鏡誰弄倚墻箏憶昨工言語憐初妙長成撩
風拓鸚舌凌霜觸蘭英翠鳳輿貞女紅蕖捧化生祇憂嫌
五濁終恐向三清宿惡諸薰味懸知衆物名 生而不食薰血虎豹狻猊
等皮毛盡惡斥之巴南所無之物及此而默識其名者數輩 環從枯樹得經認寶壺盛

愠怒偏憎數分張雅愛平最憐 一作 貪栗妹頻救懶書兄
為占嬌饒分良多眷戀誠別恒回面泣歸定出門迎鮮恠
還家晚長將遠信呈說人偷罪過要我抱從橫騰踏游江

舫攀緣看樂棚和蠻歌字初學妓舞腰輕迢遞離荒服提
集作携到近京未容誇伎倆惟恨枉聰明往事心千緒新
絲鬢百莖暗窓風報曉秋愧雨聞更敗槿蕭疎館襄陽敗
壞城此中臨老淚仍自哭孩嬰

哭崔常侍晦叔

白居易

頑賤一拳石精琬百鍊金名價既相遠交分何其深中誠
一以合外物不能侵逶迤二十年與世同浮沉晚有退寒
約白首歸雲林垂老忽相失悲哉口語心春日蒿高陽秋
夜清洛陰丘園共誰卜山水共誰尋風月共誰賞詩篇共
誰吟花開共誰看酒熟共誰斟自惠死莊杜口鍾歿師廢琴
道理使之然從古非獨今吾輩也自此孤我情安可任惟將

病眼淚一灑秋風衿

哭皇甫七郎中

前人

志業過玄宴詞華似禰衡多才非非福祿薄命是聰明不得
人間壽還留身後名涉江文一首便可敵公卿

寄劉蘇州

前人

去年八月哭微之今年八月哭敦詩可堪老淚交流日多
是秋風搖落時泣罷幾回深自念情來一倍苦相思同年
同病同心事除却蘇州更有一作誰

哭劉尚書夢得二首

前人

四海齊名白與劉百年交分兩綢繆同貧同病退閑口一
死一生臨老頭杯酒英雄君與操曹公曰天下英雄惟君與操耳文章微

婉我知丘仲尼云后世知丘者春秋又云春秋之旨微而婉也賢豪雖歿精靈在應共微之地下遊

二

今日哭君吾道孤寢門淚滿白髭鬚不知箭折弓何用兼恐唇亡齒亦枯官窮泉埋寶玉駸駸落景挂桑榆夜臺暮齒期非遠但問前頭相見無

哭雀兒

前人

掌珠一顆兒三歲鬢雪千莖父六旬豈料汝先為異物常憂集作早知吾不見成人悲腸自斷非因劍啼眼加昏不是塵懷抱又空天默默依前里作鄧攸身

微之敦詩晦叔柑一作長逝巋然自傷因成二絕

一

併失鴛鴦侶空留麋鹿身只應嵩洛下長作獨遊人

二

長夜君先去殘年我幾何秋風蒲衫淚泉下故人多

哭從伯祭酒

剖符馮翊次以疾拜司成義重踈皆友仁深怨不生昔居南北省長話水雲情吟諷資高興絲綸發重名經秋漳浦卧一旦逝川聲自古誰迴得重泉獨往程明靈辭魏闕冬日冷秦宮孝子號天護銘旌引柩行門闌容足跡章句許才清劣薄無因報恩知豈謂輕捫膺詞莫吐奠酒淚先傾從此堦前石何人肯念貞愚魯獻孤石蒙賞孤峭

哭孟郊

賈島

身死聲名在多應萬古傳寡妻無子息破宅帶林泉塚近
登山道詩隨過海舡故人相弔後斜日下寒天一作天邊

哭胡遇

前人

天壽知齊理何曾免嘆嗟祭回收朔雪弔罷折寒花野水
秋吟斷空山暮影斜弟兄相識遍那集作猶得到集作見君家

哭張籍

前人

精靈歸恍惚石磬韻曾聞即日是前古誰人耕此墳舊遊
孤棹遠故域九江分本欲蓬瀛去貪芝御白雲

弔孟協律

前人

才行古人齊生前品位低一作墓時貧賣馬遠日哭惟妻孤塚

北邙外空齋中岳西集詩應萬首物象徧曾題

哭孟東野

前人

蘭無香氣鶴無聲哭盡秋天日一作不明自從東野先生死側
近雲山得散行第三百卷三載王建弔東野二詩今此篇乃云島作前卷已詳註今併存之

哭盧仝

前人

賢人無官死不親者亦悲空令古鬼哭更得親隣比平生
四十年惟著白布衣天子未辟召地府誰來追長安有交
友託孤遽棄移塚側誌石短文字行參差無錢買松栽自
生蒿草枝在日贈我文淚流把讀時從茲加敬重深藏恐
失遺

弔從兄島

釋無可見集本

盡日歎沉淪孤高碣石人詩名從蓋代謫官竟終身蜀集
重編否巴儀薄塋新青門臨舊巷欲見未無因

哭張籍司業 後篇作哭陳陶

先生抱衰疾不起茂陵間夕臨諸孤少荒居弔客還遺文
禪東岳留語塋鄉山多雨銘旌故殘燈素帳閑樂章誰與
集龍樹即堪攀神理今難問予將叫帝關

此詩三百五卷重出今已削去

哭李員外 集作哭池州李使君 杜牧

縉雲新命詔初書 一作行纔改一作是孤魂受氣壽氣一作成黃壤

不知新雨露粉書空 一作唯一作換舊銘旌巨卿哭處雲空 一作魂

斷阿鵞歸來月正明多少四年遺愛事鄉間生子李為名

聞慶州趙縱使君祭酒與党項戰中箭而死輒畫

哀句 前人

將軍獨乘鐵驄馬榆溪戰中金僕姑死綏却是古來有驕

將自驚今日無青史文章爭點筆朱門歌舞笑拍軀誰知

我亦輕生者不得君王丈二戈

哭韓綽 前人

平生送塋上都門紉妻交橫逐去魂歸來冷笑悲身事喚

婦呼兒索酒盆

重到襄陽哭亡友章 集作壽朋一作重宿襄州哭常楚老拾遺

故人墳樹五 集作立 秋風伯道無兒跡更空重到笙歌分散

地隔江吹曲 集作笛 月明中

哭李給事中敏

前人

陽陵郭門外坡陀五丈墳九泉如結友茲地好埋君

朱雲
葬陽

陵郭
外

李甘詩

前人

太和八九年訓注極虓虎潛身九地底轉上青天去四海
鏡清澄千官雲荒縷公私各閑暇追遊日相伍豈知禍亂
根枝葉潛滋茂九年夏四月天誠若言語烈風駕地震疾

集作
停

雷驅猛雨夜於正衙階

集作
殿

拔去千年樹吾君不省

覺二亮日威武操持北斗柄開閉天關路森森門庭土縮

縮循墻鼠平生負名節一旦如奴虜指名爲鈞黨

集作
黨綱

狀

跡難告訴喜無李杜誅敢憚髡鉗苦當時仲秋

集作
秋夜

月日

直曰庚午喧喧皆傳言明晨相登注予時與和鼎官班各

持斧和鼎顧予言

集作
云

我死知

集作
有

處所當庭裂詔書退

立須鼎俎君門曉日開赭按橫霞布儼雅千官容勃鬱吾

累怒適屬命廊將

趙儋除廊
坊節度

昨之傳者誤明日詔書下謫

斥南方去夜登青泥坂墜車傷左股病妻尚在牀稚子初

離乳幽蘭思楚澤恨水啼湘渚怳怳三閭魂悠悠一千古

其冬二亮敗渙汗開湯畧贊者須喪亡讒人尚堆貯子於

後四年諫官事明主常欲雪幽冤於時一裨補拜章豈艱

難膽薄多憂阻如何干斗氣竟作炎荒土題此涕滋筆以

代投湘賦

哭費拾遺徵君

姚合

服儒遵佛

集作

旨糲食卧中林誰識先生事無身是本心

空山流水遠故國白雲深日夕誰來哭唯應猿鳥吟

哭汴州

一作

陸大夫

張祐

利劍

一作

太堅操何妨拔一毛冤深陸機霧憤積五員

一作

胥

濤直道非無驗

一作

明時不錄勞誰當青史上卒爲顯

詞褒

哭京兆龐尹

楊子津頭昔共迷一爲京兆隔雲泥故人昨日同時弔舊

馬今朝別處嘶向壁愁眉無復畫扶牀稚齒已能啼也

世路名堪貴誰信莊周物調齊

哭胡遇

朱慶餘

僧昨日尚相隨忽見緋幡意可知題處舊詩休更讀置

來新馬憶曾騎不應隨分空營莫終擬求人與立碑每作

宣陽里中過遙聞臨哭淚先垂

置來

集作

每作

集作

哭翰林丁侍郎

劉得仁

相知出肺腑

一作深

非舊亦非親每見鴛鴦侶多揚鄙拙

身即期匡聖主豈料哭賢人應是隨先帝依前作近臣平

生任公直愛弟尚風塵宅閉青松古

集作

墳臨赤水新官

清仍齒壯兒小復家貧惆悵天難問空流淚滿巾

哭鮑溶有感

前人

寥落故人宅今來身已亡古苔淺墨沼深竹舊書堂秋色

池臺

一作

靜雨聲雲水涼無因展交道日暮割心腸

傷馮秀才

許渾

旅葬不可問茫茫西隴頭水雲青草濕山月白楊愁琴信

有時罷劍傷無處留淮南舊烟集作今夜月孤棹又集作更逢秋

哭虞將軍

一作傷河東虞押衙

前人

自昔集作白首一作十載從軍未有名近將孤劍到江城巴童戍久

能番語胡馬調多解漢行對雪夜窮黃石畧望雲秋計集作

秋筭一作朝筭黑山程可憐一作誰知身死家猶遠汴水東流無哭聲

傷楊攀處士

前人

先生憂道不憂集作樂清貧白髮終為不仕身稽阮沒來無酒

客應劉亡後少詩人山前月照荒集作孤墳曉溪上花開舊

宅春昨夜回舟更惆悵至今鍾磬蒲南鄰

重傷楊攀處士二首

攀字綠雲集作自號綠雲翁

前人

綠雲多學術黃髮竟無成酒縱山中性詩流集作留海上名

讀書新樹老垂釣舊磯平今日悲前事西風聞哭聲

二

從官任直道幾處脫長裙歿後兒猶小葬來人漸疎新隣

集作隣翁占池館長史集作門吏覓圖書身賤難相報平生恨有餘

集作無復前秋事西齋賦子虛

傷李秀才

前人

曾醉笙歌日正遲醉中相送易前期菊花蒲地人亡後孤

葉連天客集作鴈過時琴倚舊窓塵漠漠劍埋集作橫新塚草

離離河陽集作橋酒熟平生事更向東流奠一卮

哭饒州吳諫議史君

雍陶

忽聞身謝滿朝驚，俄感鄱陽罷市情。
遺愛永存今似古，高名不朽死如生。
神仙難見青驄事，諫議空留白馬名。
門館曾爲恩愛客，幾迴垂淚過宣平。

舊宅在宣平里

哭盧處士

見三百五卷

溫庭筠

和友人悼亡

一作喪歌姬

前人

玉貌潘郎淚滿衣，畫羅輕鬢兩霏微。
紅蘭委露愁難盡，白馬朝天望不歸。
寶鏡塵昏鸞影在，細箏絃斷鴈行稀。
春來多少傷心事，集作春風幾許傷情事碧草侵階粉蝶飛。

傷溫德彝

前人

昔年戎虜犯榆關

一破集作敗

龍城戍馬還侯印，不聞封李

廣別

集作他

人丘隴似天山

哭王大夫

方干

俗人皆嫉謝臨川，果中常情

爲政舊規方利國降

生真性已歸天峴，亭婉咽知無極。
渭曲馨香莫計年，從此心喪應畢世。
忍看墳草讀殘篇。

哭秘書姚監

前人

寒空此夜落文星，星星落文存

集作留

萬古名入室，幾人成第

子爲儒是處哭，哭先生家無諫草逢明代。
國有遺篇續正聲。

臨曉向

集作曉向平

原陳塋禮悲風吹雨濕銘旌

哭喻鳧

前人

日夜役神多損壽，先生下世未中年。
撰碑縱託登龍伴，營

莫應支賣鶴錢孤墮陰風吹細草空窓濕氣漬殘篇人間
別更無冤事此事集作到此誰能與問天

弔侯主常侍

李洞

我重君能賦君褒我解詩三堂一拜遇四海兩心知影挂
僧挑燭名傳鶴拂碑涪江弔孤塚片月落峨嵋

弔膳曹從叔郎中

前人

華省支殘俸寒蔬辦祭稀安墳對白閣買石折朱衣蜀客
彈琴哭江鷗入宅飛帆吹佳句遠不獨偏王畿

哭南流人

項斯

遙見南來使江頭哭問君臨終時有雪亂葬處無雲官庫
空收劍山僧共起墳知名人尚少誰為錄遺文

哭京兆龐參

馬戴

神州喪賢尹父老泣

集作哭

關中米盡群生願纔留及物功

清光沉皎月素業振遺風履跡蒼苔掩珂聲紫陌空從來
受知者會葬漢陵東

哭劉駕博士

聶夷中

見集本

出門四顧望此日何徘徊終南舊山色夫子安在哉君詩
如門戶夕閉晝還開君名如四時春盡夏復來原野多丘
陵纍纍如高臺君墳雖數尺誰與夫子偕

傷盧獻秀才

皮日休

從征新價欲陵空一首堪欺左太冲只為白衣聲過重且
非青漢路難通貴侯待寫過門下詞客偷名入卷中手弄

桂枝嫵不折直教身歿負春風

哭進士李洞二首

鄭谷

所惜絕吟聲不悲君不榮李端終薄宦賈島有

集作得

高名

旅葬新墳少遺孤遠俗輕猶疑隨計晚昨夜草蟲鳴

二

自聞東蜀病唯我獨

集作最

關情若近長江死想君勝在生

先生酷愛賈浪仙詩在長江東蜀嶺一作境內浪仙家在此處

瘴蒸丹旆濕燈隔素帷清

塚樹僧栽後新蟬一兩聲

哭建州李員外頻

前人

令終歸故里末歲道如初舊友誰為誌清風豈易書雨墳

生野蕨鄉奠釣江魚獨夜吟還泣前年伴直廬

弔禮部常員外序

前人

膺雪初晴共舉盃便期携手上春臺高情惟怕酒不滿長

慟可悲花正開曉奠鶯啼殘漏在風帟燕覓舊巢來杜陵

荒草年年綠醉魄吟魂無復回

弔水部賈員外嵩

前人

八韻與五字俱為時所先幽魂應自慰李白墓相連

哭王贊府

陳陶

白水流今古青山送死生驅馳三楚掾倏忽一空名金玉

埋臯壤芝蘭哭弟兄龍頭孤後進鵬翅失前程愁變風雲

色悲連鼓角聲落星辭聖代寒夢閉佳城伊昔來江邑從

容副國英德踰棲棘美公亞飲水清大厦亡孤直群儒憶

老成白駒悲里巷梁木慟簪纓隴遂添新草珠還滿舊簪
蒼蒼難可問原上晚烟橫

哭王贊

劉國

文苑英華卷第三百四

文苑英華卷第三百五

悲悼五

哭人十五首

哭僧道三十首

哭妓十四首

送葬十二首

哭人

崔珏二首

張喬二首

張蠙二首

曹松二首

周朴二首

杜荀鶴四首

羅隱一首

哭僧道

楊炯一首

孟浩然二首

釋皎然一首

嚴維一首

劉長卿二首

張謂一首

錢起一首

耿緯一首

司空曙一首

于鵠一首

李端一首

元稹一首

賈島一首

劉得仁一首

李洞二首

張祐一首

方干一首

項斯一首

周賀一首

溫庭筠一首

張喬一首

李遠一首

陳陶一首

裴說一首

沈佺期一首

劉長卿一首

劉禹錫一首

哭妓

楊炯一首

宋之問四首

張祐一首

溫庭筠一首

皇甫冉一首

李群玉一首

韋莊五首

送葬

張正見一首

庾信一首

王褒二首

唐太宗一首

顧况一首

劉長卿一首

皇甫冉一首

權德輿一首

陳羽一首

唐彥謙一首

羅隱一首

哭人

哭李商隱二首

崔珏

成紀星郎字義山適歸高壤

又玄集作黃壤

抱長歎詞林枝葉三

春盡學海波瀾一夜乾風雨已吹燈燭滅姓名長在齒牙

寒只應物外攀琪樹便著蜺裳上絳壇

又玄集作蜺衣上玉壇

二

虛負凌雲萬丈才一生襟抱未曾開鳥啼花落人何在竹

死桐枯鳳不來良馬是因無主踈舊交心為絕絃哀九泉

莫嘆三光隔又送文星入夜臺

哭陳陶

三百四卷重出題作哭張籍司業

張喬

弔前水部賈員外

前人

籠中江海禽日夕有歸心魏闕長謠久吳山獨往深別時

群木落終颺亂猿吟李白墳前路溪僧送入林

哭建州李員外

張蠟

詩名不易出名出又何為捷到重科早官終一郡早素風

無後裔遺迹

集作遺愛

有生祠自罷羊公市溪猿哭舊時

弔孟浩然

前人

每年

疑

樵家說孤墳亦夜吟若重生此世應更苦前心名

與襄陽遠詩同漢水深親栽鹿門樹猶蓋石牀陰

弔建州李員外

曹松

銘旌歸故里猿鳥亦悽然已葬桐江月空迴建水舡客傳
爲郡日僧說讀書年恐有吟魂在深山古木邊

弔李翰林

前人

李白雖然成異物逸名猶與萬方傳昔朝曾侍玄宗側大
夜應歸賀監邊山木易高迷故壠國風長在見遺篇投金
渚畔春楊柳自此何人繫酒舡

哭陳庾

周朴

繫馬向山立一杯聊奠君野煙孤客路寒草故人墳琴韻
歸流水詩情寄白雲日斜休哭後一作松韻吹一作不堪聞

哭李端

前人

三年剪拂感知音哭向青山永夜心竹在曉煙孤鳳去劍
荒秋水一龍沉新墳日落松聲小舊宅春殘草色深不及
此時親執紼石門遙想淚沾襟

哭方干

杜荀鶴

何言寸祿不沾身身歿詩名萬古存况有數篇關教化得
無餘慶及兒孫漁樵共壘墳三尺猿鶴同棲月一村天下
未寧吾道喪更誰將酒酌孤魂

哭劉得仁

前人

賈島還如此生前不見春豈能詩苦者便是命羈人家事
因吟失一作盡時情礙國親多應銜骨恨千古不爲塵

經謝公青山弔李翰林

前人

何爲先生死先生道日新青山明月夜千古一詩人天地
空銷骨聲名不傍身誰移耒陽塚來此作吟鄰

哭陳陶

前人

耒陽山下傷工部采石江邊弔翰林兩地孤墳各三尺却
成開解哭君心

哭張博士太常

羅隱

前輩倏云歿魏君曾北方格卑雖不稱言重亦難忘諫草
猶青瑣悲風已白楊只應移理窟泉下對真長

哭僧道

和旻上人傷杲禪師

楊炯

事業初中日浮生大小年無人本無我非後亦非前簫鼓

噓地龍蛇直映天法門摧棟宇覺海破舟舡書鎮秦玉

餉經文宋國傳聲華周百億風烈破三千蕪沒青園寺荒

涼紫陌田德音殊未遠拱木已生煙

悼正弘禪師

集作過景空寺
故融公蘭若

孟浩然

池上青蓮宇林間白馬泉故人成異物過憇獨潛然既禮

新松塔還瞻舊石筵平生竹如意猶挂草堂前

傷峴山雲衣觀主

前人

少小子

一作學書劍秦吳多歲年歸來一登眺陵谷尚依然

豈意食霞客溘隨朝露先因之問問里把臂幾人全

一作憐

哭覺上人

時紉
剡中

釋皎然

憶君南適越不作買山期昨得耶溪信翻爲逝水悲神交

如可見生盡杳難思白日未林下空懷步影時

哭靈一上人

嚴維

一公何不住空有遠公名共說岑山路今時不可行舊房
松更老新塔草初生經綸傳緇侶文章遍墨卿禪林枝幹
折法宇棟梁傾誰復脩僧史應知傳已成

齊一和尚影堂

劉長卿

一公住世忘世紛暫來復去誰能分身寄虛名如過客心

將生滅是浮雲蕭散

集作浮雲

浮雲往不還悽

集作悽

涼遺教沒

仍存舊地愁看雙樹在空堂只見一燈懸一燈長照橫河

沙雙樹猶落諸天花天花寂寂香深殿苔蘚蒼蒼閉閑

一作

深院昔余精念訪禪扉常接微言清

集作親

道機今來寂寞

無所得惟共門人淚滿衣

題靈祐和尚故居院

前人

歎逝翻悲有此身禪房寂寞見流塵六時行逕空

集作容

秋

草幾日浮生哭故人風竹自吟還入磬雨花隨淚共沾巾

殘經窓下依然在憶得山陰問許詢

哭護國上人

張謂

昔喜三身淨今悲萬劫長不應歸北斗多是向西方舍利

衆生得袈裟弟子將鼠行殘藥碗蟲網舊繩牀別起千花

塔空留一草堂支公何處在神理竟茫茫

空寂

集作少林

寺哭玄

集作暉

上人

錢起

悽然雙樹下垂淚遠公房燈續生前火爐添沒後香陰階

明片雪寒竹響空廊寂滅應為樂塵心徒自傷

璿公房懷舊

耿緯

遠公傳教畢身沒向他方弔客來何見門人閉影堂紗燈臨古砌塵机在空牀寂寞踈鍾後秋天有夕陽

哭麴上人

前篇題作哭麴象見三百三卷

司空曙

哭陵霄山光上人

于鵠

身沒碧峯裏門人改葬期買山尋主遠壘塔化人遲鬼火穿空院秋螢入素帷黃昏溪路上聞哭竺乾師

過堅上人影堂逢司空曙

李端

我與雷居士平生事約公無人知是舊共到影堂中僧如展及常載同遊碧澗寺各賦詩余落句云他

生莫忘靈山座滿壁人名後會稀展共吟他生之

句因話釋氏緣會所以莫不悽然久之不十日而展公長逝驚悼反覆則他生豈有兆耶其間展公

仍賦黃字五十韻飛札相示余方屬和未畢自此不復撰成徒以四韻為識

元稹

重吟前日他生句豈料踰旬便隔生會擬一來身塔下無因共繞寺廊行紫毫飛札看猶濕黃字新詩和未成縱使得如羊叔子不聞兼記舊交情

哭栢巖禪師

賈島

苔覆石床新師曾占幾春寫流行道影焚却坐禪身塔院開松路集作雪經房鎖隙塵自嫌雙淚下不是解空人

題山中故靜禪師

劉得仁

寂滅身何在門人隔此生影懸塵已厚塔種栢初成溪院
秋先雪山堂古有精當時挂錫劍樹老數枝傾

弔草堂禪師

杖履疑師在房闌四壁蛩貯瓶經臘水響塔隔山鍾集作鍾
乳鴿沿苔井集作燕客齋猿散雪峯如何不見性倚遍寺

前松集作星下

哭栖白

李洞

聞說孤窓卧化時白苾蘿雨滴空池吟詩堂裏時關影禮
佛燈前夜照碑駕雪已成金殿夢看濤終負石樓期逢山
對月還惆悵爭得無言字祖師

題經山大覺禪師影堂

張祐

超然彼岸人一逕謝微塵見想應非想集作見相觀身豈
是身空門性未滅舊里化猶新漫指堂中影誰言影似真

經曠禪師故一作院

方干

谷鳥散啼如有恨庭花含笑似無情更名換面集作變無
休息去去來來第幾生

題永忻寺影堂

項斯

不遇脩寺日無錢入影堂故來空禮拜臨去重添香僧得
名難一作近燈傳火已長發心依止後借住有隣房

哭閑霄上人

周賀

林逕西風急松枝講鈔餘凍髭亡夜剝遺偈病時書地燥

焚身後堂空著影初弔來頻落淚曾憶到吾廬

重遊東

集作圭

峰宗密禪師精廬前篇作哭廬處士

溫庭筠

百尺青崖三尺墳微玄

一作言

已絕杳難聞戴顓今日稱居

士支遁他年識領軍暫對山松如結杜偶因一作同麋鹿自

成群故山弟子空回首葱嶺還集作唯應見彩雲

此詩三百四卷重出今已削去注異同為一作

弔造微上人

張喬

至人隨化往磨滅自堪傷白塔收真骨青山閉影堂鐘殘

含細韻印滅有餘香松上齋鳥在遲遲立夕陽

友人寄道上人逝却

酬道字又玄集作道明

李遠

蕭寺曾過最上房碧梧濃葉覆西廊遊人縹緲紅衣亂坐

客從容白日長別後旋成莊舄夢書來忽報惠休亡他時

若肯相隨去只是含酸對影堂

西廊

又玄集作西廂

莊舄

又玄集作莊叟

哭寶月三藏大禪師

陳陶

五峯習聖罷乾竺化身歸帝子傳真印門人哭寶衣一囊

窮海沒三藏故園稀無復天花落悲風滿鐵圍

哭處默上人

裴說

淒涼總幕下香吐一燈分關老輸寒檜晉閑與白雲挈盂

曾幾度傳衲不教焚泣罷重回首暮山鍾半聞

哭道士劉無得

沈佺期

聞有玄都客成仙不易祈蓬萊向清淺桃杏欲芳菲縮地
黃泉下昇天白日飛少微星夜落高掌露朝晞吐甲龍應
出衙符鳥自飛國人思負局天子惜披衣花月晉丹洞琴
笙閣翠微嗟來子桑扈爾獨返於幾

抄秋洞庭中懷亡道士謝太虛 劉長卿

漂泊日復日洞庭今更秋清集作青楓亦何意此夜催人愁

惆悵客月中徘徊江上樓心如楚天遠目送滄波集作流

謝客久已沒微言無處求空餘白雲在容與隨孤舟千里

杳難望一身常獨遊故園復何許江海徒集作此淹留

傷桃源薛尊師一作道士 劉禹錫

壇邊松在鶴巢空白鹿閑來集作行舊徑中手植紅桃千樹

滿山無主任春風

哭妓

和崔司功傷姬人 楊炯

昔時南浦別鶴怨寶琴絃今日東方至變消珠鏡前水流

衝砌咽月影向窓懸粧匣棲餘粉薰爐滅舊煙晚庭摧玉

樹寒帳委金蓮佳人不再得白日幾千年

傷曹娘四首 宋之問

可憐寂寞去何之獨立丰茸無見期君看水上芙蓉色恰

似生前歌舞時

二

前溪妙舞今應盡子夜新歌遂不傳無復綺羅嬌白日直

將珠玉閉黃泉

三

鳳飛樓妓

一作伎

絕鸞死鏡臺空獨憐脂粉氣猶著舞衣中

四

昔日河陽縣氛氲香氣多曹娘嬌態盡春樹不堪過

感王將軍柘枝妓沒

張祜

寂寞春風舊柘枝美人休舞曲停吹

集作舞人休唱曲休

鴛鴦鈿帶

拋何處孔雀羅衫付阿誰畫鼓不聞招節拍錦靴虛

集作空

想挫腰支今來座上翻如醉

集作偏惆悵

曾見梨園

集作堂前

教徹

時

和王秀才傷歌妓

集作姬

溫庭筠

月缺花殘莫愴然花須終發月終圓更能何事消芳念亦

有濃華委逝川一曲艷歌畱宛

集作婉

轉九原春草葬

集作妬

嬋娟王孫莫學多情客自古多情損少年

此詩三百十三卷重出前已削去

奉同李蘇州傷美人

皇甫冉

玉珮石榴裙當年嫁使君專房獨見寵傾國衆皆聞歌舞

長無對幽明忽此分陽臺千萬里何處作行雲

和吳中丞悼笙妓

李群玉

麗質仙姿煙逐鳳凰聲斷吹樓

集作臺

空多情草色怨還

綠無主杏花春自紅墮珥尚存芳樹下餘香漸滅玉堂中

唯應去抱雲和管從此長歸阿母

集作姚

宮

悼亡姬五首

韋莊

鳳去鸞歸不可尋
十洲仙路彩雲深
若無少女花應老
爲有姮娥月易沉
竹葉豈能消積恨
丁香空解結同心
湘江水濶蒼梧遠
何處相思弄舜琴

獨吟

前人

默默無言惻惻悲
閑吟獨傍菊花籬
只今已作經年別
此後知爲幾歲期
開篋每尋遺念物
倚樓空綴悼亡詩
夜來孤枕空腸斷
窓月斜輝夢覺時

悔恨

前人

六七年來春又秋
也同歡笑也同愁
纔聞及第心先喜
試說求婚淚便流
幾爲妬來頻歛黛
每思閑事不梳頭
如今

悔恨將何益
腸斷千休與萬休

虛一作席

前人

一閉香閨後
羅衣盡施僧
鼠偷筵上果
蛾撲帳前燈
七蝕釵無鳳
塵生鏡少菱
有時還影響
花葉曳香繒

舊居

前人

芳草又芳草
故人楊子家
青雲容易散
白日等閑斜
皓質留殘雪
香魂逐斷霞
不知何處笛
一夜叫梅花

送葬

和楊侯送袁金紫葬

張正見

玄泉開隧道
白日照佳城
一朝嗟此路
千載幾傷情
秋氣悲松色
淒風咽晚聲
歸雲回谷散
初學記作還柳背山輕

唯當三五夜壘月暫時明

送靈法師葬

庾信

龍泉今日掩石洞即時封玉匣摧談柄懸河落辯鋒香爐
猶是栢塵尾更成松郭門未十里山廻已數重尚聞香閣
梵猶聽竹林鍾送客風塵擁寒郊霜露濃性靈如不滅神
理定何從

送觀寧侯葬

王褒

蒙羽高峻極淮泗導清源邢茅廣列地跼萼盛開蕃紛綸
彤璫彩從容瓊玉溫衝飈栢幹烈火壯曾崑疇昔同羈
旅辛苦涉涼暄觀風方聽樂垂淚遽傷魂造舟虛客禮高
閨掩賓垣桂樹思公子芳草惜王孫今辰向郊郭猶似背

轅轅丹旄書空位素帳設虛樽楚琴出操絕韓書舊說存
西靡傷新樹東陵惜故園自憐悲谷影彌愴玉關門餘輝
盡天末夕霧擁山根平原看獨樹亭阜類聚作阜亭望別村寂
寞還蓋靖荒歸路昏挽鐸已流歇歇童行自喧騰言千
載後誰將遊九原

送劉中書葬

前人

昔別傷南浦今悲去北邙書生空託夢久客每思鄉寒近
邊雲黑塵昏野日黃陵谷俄遷變松栢易荒涼題名無復
迹何處驗龜長

望送魏徵葬

唐太宗見初學記

閭闔揔金鞍上林移玉輦野郊愴新別河橋非舊餞慘日

映峯沉愁雲隨蓋轉哀笳時斷續悲旌乍舒卷望望情何
極浪浪淚空泫無復昔時人芳春共誰遣

送柳宜城葬

顧况

鳴笳已逐春風咽匹馬猶依舊路嘶遙望柳家門外樹恐
聞黃鳥向人啼

送開府姪隨故李使君旅櫬却赴上都 劉長卿

征西諸將莫如君報德誰能不顧勲身逐塞鴻來萬里手

披江草訪孤墳擒生絕漠臨集作經胡雪懷舊長沙哭楚雲

歸去蕭條霸陵上幾人看葬李將軍

送魏六侍御葬

皇甫冉

哭葬寒郊外行將何所從盛曹徒列栢新墓已栽松海月

同千古江雲復幾重舊書曾諫獵遺草議登封疇昔輕三

事常期老一峯門臨商嶺道窓引洛城鍾應積泉中恨無

因世上逢招尋偏見厚踈慢亦相容張范唯通夢求羊求

求羊二人也永絕蹤誰知長卿疾歌賦不還邛

觀葬者

權德輿

塗芻隨晝哭數里至松門貴盡人間禮寧知逝者魂笳簫

出廣集作古陌煙雨閉寒原萬古皆如此傷心反不言

觀朱舍人歸葬吳中

陳羽

翩翩絳旄寒流上行引東歸萬里魂幾幾州人臨水哭共

看遺草有王言

咸通中始聞褚河南歸葬陽翟是歲上平徐方大

肆慶賞又詔八品錫其裔孫追叙風槩因成二

十韻

唐彥謙

冊府藏餘烈皇綱正本朝不聽還笏諫幾履綴旒咫尺
言終直愴惶道已消淚疑心傳位日揮涕授遺朝飛燕潛
來趙黃龍豈見譙既迷秦帝鹿難問賈生鵬穆卜緘滕祕
金根轍跡遙北軍那奪印東海漫難橋羅織黃門訟笙簧
白骨銷炎方無信息丹旄竟淪漂邂逅江魚食淒涼楚客
招文忠徒謚議子卯但蕭韶未見公侯後尋傷嗣續塢流
年隨水逝高詛薄層霄柱石林公遠縑緗故國饒奇蹤天
驥活遺軸錦鸞翹近者淮夷戮前年作馬調始聞移北葬
兼議蔭山苗聖澤覃將溥真覓喜定飄異時窮巷客懷古

設成謹

淮口軍葬

羅隱

一陣孤軍不復迴更無分別只荒堆莫言賦分須如此曾
作文皇赤子來

文苑英華卷第三百五

文苑英華卷第三百六

悲悼六

墳墓五十五首

經孫氏陵

何遜

見類聚

詩一百五十二

在昔炎靈厭神器若無依逐兔爭先捷猗鹿競因機呼吸
開霸道咤叱掩江畿豹變分奇畧虎視肅戎威長蛇舐巴
漢冀馬絕淮淝交戟無內禦重門豈外扉成功終已棄凶
德復而遠水龍忽東驚青蓋乃西歸碣來易末久年代曖
微微苔石疑文字荆墳失是非山鷺空曙響壠月自秋輝
銀海終無浪金鳧永不飛閭閻今如此望望沾人衣

悲行路孤墳

前人

行路一孤墳路成墳已毀空疑年歲積不知陵谷徙幾經

秋葉飛

初學記作黃

驟見春流瀾金蚕不可織玉樹何曾盡陌

上驅馳人笑歌自侈靡今日非明日可憐詎憐此

遊朝山悲古塚

虞騫

見初學記

長林帶朝夕孤嶺枕江村疎松含白水密篠滿平原荒墳
敗凍葉低壟變年根西光長檟落促爾膝前樽

經陳思王墓

庾肩吾

公子獨憂生丘壟擅餘名樵採枯樹盡犁田荒隧平寧追

晏平樂詎想謁承明且余來錫命兼言事結成飄飄河朔

遠颭

一作颭

颭風郊鳴鴈與雲俱陣沙將蓬共驚枯葉落古

一作

杜寒鴉歸

一作思

孤城隴水哀葭曲漁陽慘鼓聲離家

遠客安得不傷情

行經古墓

陰鏗

見初學記

偃松將古墓年代理當深表柱應堪燭碑書欲有金廻墳

由路毀荒隧受田侵霏霏野露合昏昏隴日沉懸劍今何

在風楊空自吟

遇徐君墓

周無名法師

延陵上國返枉道訪徐公死生命忽異懽娛意不同始往

邛山北聊踐平陵東徒解千金劍終恨九泉空日盡荒郊

外煙生松柏中何言愁寂寞日暮白楊風

聘齊經孟嘗君墓

陳昭

薛城觀舊跡征馬屢徘徊盛德今何在唯餘長夜臺蒼茫

空隴墓顛顛古松栽悲隨白楊起淚想雍門來泉戶無關
吏鷄鳴誰爲開

春夕經行留侯墓

盧思道

少小期黃石晚年遊赤松應成羽人去何忽掩高封踈蕪
枕絕野邈迤帶斜峯墳荒隨草沒碑碎石苔濃徂秦懷猛
氣師漢挺柔容盛烈芳千祀深泉閉九重夕風吟宰樹遲
光落下春

見淮南子

遂令懷古客揮淚獨無蹤

過張平子墓

駱賓王

西鄂該通理南陽擅德音玉卮浮藻麗銅渾積思深忽懷
今日昔非復昔時今日落

集作

豐碑暗風來古木吟唯歎

窮泉下終鬱羨魚心

卽山

沈佺期

北邙山上列墳塋萬古千秋對洛城城中日夕歌鍾起山
下唯聞松栢聲

比干墓

徐彥伯

大位天下寶維賢國之鎮殷道微而在受辛纂頽胤山鳴
鬼又哭地裂川亦震媒黷皆佞諛戾劉盡英雋孤卿帝
父特進貞而順王牀逾隔紫銅柱方敲炊奉國歷三朝觀
竅明一瞬季代倡狂主蓄怒提白刃之子彌忠謹憤然更
勇進撫膺逝隕越知死故不恡已矣竟剖心哲婦亦同殉
驪龍暴雙骨太岳摧孤刃周發次商郊冤骸悲莫殓劍鋒
殲遺孽報復一何迅駐罕歌淑靈命徒封旅觀自爾街幽

酷于嗟流景駿丘墳被宿莽壇所緣飛燐貞觀戒卜征維
皇念忠信荒墳護草木刻桷吹煨燼代遠思更崇身類名
益振帝詞書藥石國饌羅芳艸偉哉烈士圖奇英千古徇

題東山子李適碑陰并序

前人

噫嘻李公生自號東山子死葬東山豈其識哉神交者歌
薤露以送子歸東山焉人三章章八句合一十五章鐫于

碑陰云序云人三章合十五章則當有五
人姓名今止存徐詩又止二章

隴障紫氣一作金光赫氤氲美人含遙靄桃李芳一作方

自薰圖高黃鶴羽寶奪驪龍群忽驚薤上露曲掩一作壺東

山雲回也實夭折賈生亦脆促今復哀若人危光迅風燭

曙臺淪清鏡窮塵掩結綠何以贈下泉生芻唯一束

過懷王墓

張說

嗟一作集作不可信以是集作敗懷王客死曉關路返葬岐

江陽帝一作依一作抱山月饑狐獵野霜一聞懷沙事千載盡

悲涼

和黃門盧監望秦始皇陵

張九齡

秦帝始求仙驪山何處卜中年既無効茲地所宜復徒役

如雷奔琬恠亦雲蓄黔首無寄命赭衣相馳逐人怨神亦

怒身死宗遂覆土崩失天下龍闔入函谷國為項籍屠君

同華元殘始掘既由楚終焚乃因牧上宰議一作義楊賢忠

阿感桓速一聞過秦論載懷空杼軸

郢城西北邊有大古塚數十觀其封域多是楚時

諸王而年代久遠不復可識唯直西有樊妃塚
因後人爲植松柏故行路盡知之 前人

蘋藻生南澗蕙蘭秀中林嘉名有所在芳氣無幽深楚子
初逞志樊妃嘗獻箴能令更擇士非直罷從禽舊國皆湮
滅先王亦莫尋唯傳賢媛寵猶結後人心牢落山川意蕭
條松柏陰跛狎集作破墻時直上荒徑或斜侵惠問終不絕風
流獨至今千春思窈窕兆黃鳥復哀音

過始皇墓

時年二十
集作十五

王維

古暮成蒼嶺幽宮象系臺星辰七曜隔河漢九泉開有海
入寧渡無春鴈不迴一作史聞松韻切疑是大夫哀

行次昭陵十二韻

杜甫

舊俗疲庸主群雄問獨夫識歸龍鳳質威定虎狼都天屬
尊堯典神功協禹謨風雲隨逸集作絕足日月繼高衢文物
多師古朝廷半老儒直詞寧戮辱賢路不崎嶇往者災猶
降蒼生喘未蘇指麾安率土盪滌撫洪鑪壯士悲陵邑幽
人拜昇湖玉衣晨自舉石集作鉄馬汗嘗驅松柏瞻虛集作靈
殿塵沙暗集作立指途寂寞開國日流恨滿山隅

適思

顏胄

芳歲不我與颯然涼風生繁華掃地歇蟋蟀充堂鳴感物
增憂思奮衣出遊行行值古墓林白骨下縱橫田豎鞭蠲
體村童掃一作精靈精靈無奈何像設安所榮一作營石人
徒瞋目表桎燒無聲試讀碑上文乃是昔時英位極君詔

葬勲高盈忠貞寵終禁樵採立嗣脩墳塋運否前政缺群
盜多蚊虻即此丘壠壞鐵心爲霑纓當其崇樹日豈意侵
辱併冥冥生變故淒涼結幽明悲端豈自我外物紛相縈
所適非所見前登江上城倚樓臨綠一作水一望解傷情

王龍驤

賈彥璋

昔擅登壇寵爰光典午朝刀懸臨益夢龍啓渡江謠茂績
當年舉英魂此地銷唯餘孤壠上日夕起松飈

昭君墓

常建

漢宮豈不死異域傷獨沒萬里馱黃金蛾眉爲枯骨廻軍
夜出塞立馬皆不發共恨丹青人墳上哭明月

長沙桓王墓下別李紆張南史

已見二百八十七卷

劉長卿

經漂母墓

前人見集本

昔賢懷一飯茲事已千秋古墓樵人識前朝楚水流渚蘋
行客薦山木杜鵑愁春草茫茫綠王孫舊此遊

驪姬墓下作

夷吾重耳墓隔河相去十三里

岑參

驪姬北原上閉骨已千秋滄水日東注惡名終不泐獻公
恣耽惑視子如仇讐此事成蔓草我來逢古丘蛾眉山月
苦蟬鬢野雲愁欲弔二公子橫汾無輕丹

虹縣嚴孝子墓

劉灣

堂孝教因心

一作不及

天然得

一作因天心

所資禮聞三年喪爾

一作

汝獨終身期下由骨肉思上報母父慈禮聞哭有卒爾

一作

汝獨哀無時前有松柏林荆蓁一作結朦朧墓門白日閑

一作泣血黃泉中草服被枯骨垢容戴飛蓬舉聲哭蒼天

萬木皆悲風 一作皆中興間氣集

經徐侍郎墓作 顧况

不知山吏部墓作石橋東宅兆鄉關異平生翰墨空夜泉
無曉日枯樹足悲風更想幽冥事唯應有夢同

路傍墓 耿緯

石馬雙雙當古樹不知何代公侯墓墓前菲菲春草深唯
有行人看碑路 菲菲集作靡靡

周平西墓 權德輿

英威今寂寞陳跡對崇丘壯志清風在荒墳白日愁窮鬼

那復曉喬木不知秋歲歲寒塘側無人水自流

蘇小小墓 前人

萬古荒墳在悠然我獨尋寂寥紅粉盡冥漠集作冥黃泉深

蔓草映寒水空郊暖夕陰風流有佳句吟眺一傷心

宮人斜絕句 前人

一路斜分古驛前陰風切切晦秋煙鉛華新舊共冥冥日

暮愁鴟一作飛野田

去歲自刑部侍郎貶潮州刺史乘驛之官其後家

亦譴逐小女道死瘞之層峯驛之山下今過其

墓留題驛梁 韓愈

數條藤束木皮棺草殯荒山白骨寒驚恐入心身已病扶

昇沿路衆知難繞墳不暇號三匝設祭惟聞飯一盤致汝
無辜由我罪百年慚痛淚闌干

弔友人李元賓墓

孟郊

曉上荒涼原吊彼寂寥

集作冥冥

鬼眼咽此時淚耳悽在日言

冥冥

集作寂寂

千萬年墳鏤古

集作孤

松根

題梁宣皇帝陵二首

呂溫

即讎終自剪覆國豈爲雄假號孤城裏何如在甬東

二

祀夏功何薄尊周義不成悽涼庾信賦千載共傷情

真娘墓

其墓前乃虎丘寺也

白居易

真娘墓虎丘道不識真娘鏡中面唯見真娘墓頭草霜摧

桃李風折蓮真娘死時猶少年脂膚萬手不牢固世間尤
物難留連難留連易銷歇塞北花江南雪

過京索先生墳

賈島

京索先生三尺墳秋風漠漠吐寒雲從來有恨君多哭今
日何人更哭君

經李白翰林墓

許渾

氣逸何人識才高舉世疑欄生狂善賦陶令醉能詩碧水
鱸魚興集作怨青山鵬鳥悲不堪遺集作至今孤塚在荊棘楚江
湄

經李白墓

項斯

夜即歸未老醉死此江邊葬闕官家禮詩殘樂府篇遊鬼

應到蜀小碣豈旌賢身沒猶何罪遺墳野火燃

過北海墓二十韻

溫庭筠

撫事如神遇臨風獨涕零墓平春草綠碑折古苔青珪玉
埋英氣山河孕柄靈發言驚辨囿揮翰動文星蘊策期千
世持權欲反經激揚思壯氣集作志流落歎頽齡惡木人皆

息貪泉我獨醒輪轅無近石刀几有庖丁碌碌迷藏器規

規守潔瓶憤容陵昇鏤公議動朝廷故國將辭寵危邦竟

緩刑上卿廉

集作鈍
工磨

白壁几石礪青萍揭月昭東夏搏風

滯北溟後塵遵軌轍前席詠儀刑木秀當憂悴絃傷不底

寧矜誇遭尺鷃光彩困飛螢草羽留談柄清風襲德馨鸞

凰嬰雪刃狼虎犯雲屏蕙蘭荒遺址榛蕪蔽舊垌羨君雖

不祿猶得到明庭

集作輟轍遠游
水何事戀明庭

過陳琳墓

前人

曾於青史見遺文今日飄蓬過此

集作古

墳詞客有靈應識

我霸才無主

集作此始

亦憐君石麟埋沒藏春草銅雀荒涼對

暮雲莫恠臨風倍惆悵欲將弓劍學從軍

過蔡中郎墓

前人

古墳零落野花春聞說中郎有後身今日愛才非昔日莫

拋心力作詞人

始皇陵下作

曹鄴

見詩選

千金買魚燈泉下照狐兔行人上陵過却弔扶蘇墓累累
壙中物多於養生具若使山可移應將秦國去舜歿雖在

前今猶未封樹

過比干墓

聶夷中

殷辛帝天下厭為天下尊乾綱既一斷賢愚無二門佞是
福身本忠作喪已源餓虎不食子人無骨肉恩日影不入
地下埋冤死魂腐骨集作肉不為土應作石木根余來過此
鄉下馬弔此墳靜念君臣間有道誰敢論一作有誰敢抗論

真娘墓

在戶丘西寺內

張祜

佛地葬羅衣孤冤此是歸舞為蝴蝶夢歌謝伯勞飛翠髮
朝雲斷集作在青娥夜月微傷心一花落無復戀春暉

題蘇小小墓

前人

漠漠窮塵地蕭蕭古柏林臉濃花自發眉恨柳長深夜月

人何待春風鳥為吟不知誰共穴徒願結同心

長江縣經賈島山墓

鄭谷

水繞荒墳縣路斜耕人訝我久咨嗟重來無恐無尋處日
落風吹鼓子花

經徐稚墓

陳陶

邾鄆妖興炎漢衰先生南國卧明夷鳳凰屢降玄鍾禮瓊
石終藏烈火詩禁掖衣冠加宋鵲湖山耕釣沒堯時一作師
千年壠樹何人哭寂寞蒼苔內史碑

宮人斜

陸龜蒙

草樹愁煙似不春曉鶯哀怨問行人須知一種埋香骨猶
勝昭君作虜塵

燕昭王墓

羅隱

戰國蒼茫難重尋此中踪跡想知音強停別騎山花曉欲
吊遺魂野草深浮世近來輕駿骨高臺何處有黃金思量
郭隗平生事不殉昭王是真心

經耒陽杜工部墓

羅隱

紫菊馨香覆楚醪英君江畔雨蕭騷旅魂自是才相累閑
骨何妨塚更高駉驥喪來輕蹇蹶芝蘭衰後遠集作長蓬蒿
屈原宋玉憐居處幾駕青螭緩鬱陶

蘇小小墓

前人

魂兮攜李城猶未有人耕好月當年事殘花觸處情何誰
曾豔冶隨分得聲名應侍吳王宴蘭橈暗送迎

始皇陵

前人

花堆無草樹無枝嬾向行人語集作問昔時六國英雄漫多
事到頭徐福是男兒

王濬墓

前人

男兒未必盡英雄但到時來即命集作命即通若使吳都猶壯
氣將軍何處立殊功

孟浩然墓

前人

數步荒榛接舊蹊寒郊集作江漠漠雨淒淒集作草鹿門黃
土無多少恰到書生塚便低

古塚

曹松

代遠已難問纍纍次古城民田侵不盡客路踏還平作穴

地分蟄依岡鹿遶行唯應風雨夜鬼火出林明

長陵

唐彥謙

長陵高闕此安劉附葬纍纍盡列侯
豐上舊居無故里沛中原廟對荒丘
耳聞英主提三尺眼見愚民盜一盃
千載豎儒騎瘦馬渭濱斜日重迴頭

渭濱

又玄集作渭城

維多利亞紀念碑
維多利亞紀念碑
維多利亞紀念碑

長陵

唐李益

長陵高闕此安劉
附葬榮華盡列侯
伏虎上蒼石無故
聖主中原對荒丘
耳聞英主提三尺
眼見忠臣第一流
豈無新瘼馬滑溝
斜日重迴頭

渭水清波



